


شريف أسعد

غير قابل للنشر

(اعترافات جامدة ٧)

صحنه
و شجنا
اصلا



Light
www.light.com

Fala Sa7 er. Elkofo6
مسرح الكوميديا

إهداء

«وإن لم أستطع أن أملك السعادة.. فسوف أصنعها»..
إلى كل من أسهم - بإخلاص - في وضع ابتسامتي
على شفاهي.. لا ينتغي من ورائها إلا رضا الله سبحانه
وتعالى..

أهديكم هذا الكتاب.

أولكم «أبي».. رحمته الله عليه.



fb/Sa7er.Elkotob

مقدمة

هذا الكتاب ليس مجرد كلماتٍ وجملٍ تراصت لكي تدخل البهجة على قلب من يقرأها.. بالرغم من أن هذا - في حد ذاته - يُعد إنجازًا يستحق تمثالًا من البرونز يوضع مكان تمثال طلعت حرب في وسط البلد.. ولكن تعالوا نتذكر معًا عائلتنا.. في خضم «هرس» الحياة للجميع وكأننا «كيلو طماطم» من أجل الصلصة.

وفي هذا السبيل.. يؤكد الكاتب مرة أخرى - كما أكد في الجزء الأول - أنه ليس مسئولًا بأي شكل من الأشكال عن حالات الضحك المستيري التي تنتاب القراء.. ويُعلنُ خُلو مسئوليته عن علاج الكسور الناتجة عن سقوط القارئ العزيز من فوق أريكةٍ أو سريرٍ أو مكتبٍ ضاحكًا.. كما يتمنى ألا يكون له أدنى صلة بتعليقات السادة القراء التي لا تنفك تطارده على شاكلة.. «انا لو اتطلقت حيقى بسبيك»، أو «حترفد بسبيك»، أو «الناس بتقول عليا مجنون في المواصلات»، ومثل هذه العبارات التي لن يتحمل الكاتب مسئوليتها على الإطلاق.. اللهم قد بلغت.. اللهم فاشهد..

سُريف أسعد

تقديم

حقبة الثمانينيات والتسعينيات؛ تلك الحقبة الماسية التي كوّنت
لجيلٍ كاملٍ ذكرياتٍ متشابهةً إلى حدٍ كبيرٍ..

نحن عائلةٌ مصريةٌ بسيطةٌ كالسواد الأعظم من العائلات المصرية..
أسرةٌ مكونةٌ من خمسة أفرادٍ يقودهم الأب المصري الصميم..
وترعاهم الأم الرؤوم لكل فردٍ في مصر.. وتتكون الذرية من الأشقاء
الثلاثة.. أبطال المواقف والحكايات، ومخزن ذكريات اليوم والغد في
كل بيوت مصر على مر الزمان.

الكثير منا يشتاق إلى لحظات وسط الأب والأم والإخوة بلا
التزامات وبدون أعباء الحياة.. كم منا يتمنى يوماً واحداً بدون محمول
أو مُستقبلٍ رقمي «ريسيفر»، أو مناقشة سياسية تنتهي بـ«ست غرز
فوق الحاجب»!

اليوم نسافر إلى ذكرياتنا بشكلٍ ساخرٍ بسيطٍ، عبر مواقف عشتها..
وعاشها الكثير منا بشكلٍ أو بآخر.. اليوم نتحدث عن مواقفنا التي
خُضناها مع أصدقاء الطفولة والشباب؛ المواقف التي عايشناها مع
عائلاتنا الحبيبة.. المواقف التي تترك في داخل كل شخصٍ منا ما يجعله
يبتسم حين يتذكرها.. اليوم أذكركم بكل أب وكل أم وكل أخٍ لكم..
تعالوا أقص عليكم قصصى..

الاعتراف الأول مطبوعة.. حرب.. عرب

المشاوير اللى كان أبابا بيحب ياخذنا معاه فيها.. كانت بتبقى
مشاوير بعيد عنكم وعن السامعين كده عاملة زى أوقات التعذيب
فى أيام الحرب الباردة.

يعنى بدل ما نقول احنا خارجين مع أبابا.. كنا بنقول احنا رايحين
نتحاسب.

هو الراجل - الله يرحمه - مكانش بيعملنا حاجة الشهادة لله.. لكن
الأمور دايماً كانت بتمشى على طريقة..

- انزل امسحلى إزاز العربية.. عشان مترب

- أبابا البواب مسحه!!!

- انزل يا حيوان..

- حاطر افنظم..

- اطلع البيت هاتلى منديل كلينكس.

- ممكن نشترى من السكة أبابا على فكرة!

- اطلع يا حيوان..

- ايتس اوكى أبابا.. آز يو ویش

- يووووه نسيت النضارة الشمس.. اطلع هاتها..

- حاطر أفنظم.. لو اتأخرت عن خمس دقائق اتصل بالخانوتى
والمغسلاتى والندابة والناس اللى بتعمل فى ذات المجال ذوى العلاقة
دول.. وبلغهم ان عندهم طلعة.

وطبعًا.. زحفت لحد الخامس.. وكان هاین عليّ انظ من البلكونة
بدل النزول على السلم.. ولما نزلت.. كانت المفاجأة الكبيرة..
أبابا واقف جنب العربية.. وفاتح الكبوت وبيص مش فاهم أى
حاجة طبعًا.. والعربية ساكتة سكوت القبور..

- خير أبابا!؟

- مش عارف.. العربية بطلت مرة واحدة لوحدها.

- أكيد من الطلوع والنزول على السلم..

- بتقول ايه يا حيوان؟

- لا أبابا بقول أكيد عطلت ان شاء الله ومش حنروح المشوار
الحمد لله.. ومش حقدر اطلع البيت دلوقتى وعهد الله.. أنا حقعده
أسبوعين نقاهة فى الشارع.

- لا.. ده مشوار مهم.. ولازم نروح.. حناخد تاكسى.. ولما ارجع
ابقى اشوف العربية مالها.

- ما بلاش التاكسى أبابا.. بدل ما انزل انا ازقه فى الآخر انا عارف
حظى.. تعالى نركب ميكروباص من اللى بركبه وانا رايع النادى..

- أنا اركب ميكروباص يا حيوان!؟؟؟؟؟؟!

- أبابا ده كويس جدًا.. وسريع.. وحنوفر فلوس التاكسى..

ويعدى من قصاد البيت اهو.

- مممم.. يعنى انت مجربه؟؟

- طبعًا أبابا.. كل يوم بركبه انا واخواتى واحنا رايعين النادى.

- طيب وقف لنا واحد..

- لا أبابا!! احنا مش حناخده لوحدينا.. احنا حنركب مع الناس.

- طيب.. لما ييجى شاورله..

- حاطر افنظم.. سوف ألّوح له.

وقفت مفيش دقيقة الميكروباص عدى.. شاورتله.. وقف..

فتحت الباب لأبابا وانحنيت كنوع من أنواع المراسم الملكية لركوب
الحاج ميكروباص لأول مرة من يوم ما ولدنى تقريبًا.

ودلف أبابا إلى بدن الميكروباص.. واندهش لثوانى ازاي الناس
اللى قاعدة ورا ما سقفتش... بس انا طلعت جنبه فى الكنبة اللى ورا
السواق على طول وقلت للسواق فى صوت جنائزى مهيب: «الى
منطقة العرب يا اسطى».

طبعًا الميكروباص كان لسة بيحمل لأننا تقريبًا أول الخط.. والناس
بتركب فى السكة.. وأبابا بيتفحص الميكروباص بعيون ماليها الانبهار
وكأننا راكبين عربية اليقطين اللى كانت الساحرة عاملاها لسندريلا
وهى رايجة تتوكس على عنيتها وتسهر مع الأمير فى كازينو الشجرة.
أنا سبته خالص بقى اهو يقضى وقته فى أى حاجة غير انه يعذبنى..
لحد ما الميكروباص اتملا..

ساعتها أطلق السواق النفير العام المكرر في كل وردية بعد امتلاء
الميكروباص:

- الأجرة ورا مع بعضكم يا حضرات..

وبدأت مراسم لم الأجرة.. عادى.. وابتدا الى ورايا يدينى الأجرة
الى بيلمها من الناس مع الجملة المصاحبة:

- واحد من خمسة..

- اتنين من عشرة..

- واحد من عشرين..

- واحد خالص..

وانا بمد إيدى آخذ الفلوس.. أبابا لقيته بيزغدنى في ضلوعى
ويميل على ويقتوى في غضب مكتوم مكبوت:

- مالکش دعوة بالأجرة..

طبعا انا بصيت له بصة مش فاهم أى حاجة خالص!

- ادّى الفلوس للسواق وبس.. ما تلمش الأجرة..

- ليه أبابا؟؟؟ انا بعرف احسب كويس.. وبعدين كل مرة بعمل
كده عادى!!!

- بقول مالکش دعوة يا حيوان.

- أبابا ما ينفعش.

وأثناء الزغد المتكرر الى ابتدا يعمل حفرة في ضلوعى.. كانت

الناس ما زالت ترسل التبرعات من ورا مصحوبة بالنداءات

المتعارف عليها..

- اتنين من خمسين..

- واحد من العشرة خلاص؟ الباقي فين؟

- باقى الخمسة يا اسطى.. عشان نازل..

طبعا انا لسة بمد إيدى وآخذ الفلوس ولسة بعد.. وأبابا نازل زغد

في ضلوعى مخلينى فاقد القدرة على التنفس أساسا.

وعنها.. ابتديت اتوتر.. ورحت مدّى الفلوس كلها للسواق كبشة

واحدة.. عشان اخلص من الزغد المتواصل الى مبلعنى قلبى..

راح السواق رادح طبعا:

- إيه ده يا جدعان؟! ما تلموا مع بعض كده وخليكوا حلوين.. لم

يا أستاذ الله يكرمك.. يعنى انا اسوق والا اقعد احسب؟؟!!

طبعا.. ادانى الفلوس مرة تانية ومدّيت ايدى اخذتها.. وبصيت

لقيت أبابا يبصلى بصة طائر الرخ الى لقى السندباد يرسم قلوب

باللون الساكلاماه على بيضه.. مرحلة ما قبل الافتراس بثانية.

ابتديت اتوتر زيادة.. مع نداءات الركاب ورا المصحوبة بالقلق..

عشان الى قرب ينزل وعاوز الباقي..

- الباقي فين يا اسطى؟

- يا اسطى باقى الخمسين فين يا اسطى؟؟؟؟!!!

- ما تبعت باقى الثلاثة من العشرين عشان نازل يا

اسطططططططططط!!!

الاعتراف الثاني طائرات عملاقة

ورقتين من نص الكراسة.. إقطع.. إتنى.. وتعمل أحلى طائرة
ورق تحذفها وتطير لبعيبييد.

أجازة الصيف ورغبة ملحة اننا انا واخواتي نستغل سماء فضاء
الميدان الواسع قصادنا ونعمل عرض جوى للطائرات الورق
من كراسات السنة الدراسية اللى خلصت.. واهو منها نتقم من
الكراسات بالمرّة.. ومنها ننسب طالما قاعدين النهارده فى البيت منعاً
للكوارث اللى بتحصل اما نخرج برة باب الشقة..

طبعا كانت المنافسة الشريفة بينى وبين اخواتى بتقودنا بسرعة إلى
ان كل واحد فينا يحاول يزق التانى من البلكونة عشان يفوز بمسابقة
«الأفضل هبوطاً من الدور الخامس زرع بصل».. كان الغل واضحاً
جداً انى أحسن واحد بيعمل طائرات ورق.. وبتطير لمسافة بعيدة
جداً جدّاً فى الميدان..

وأقعد انا بقى اتفاخر بكل تواضع ورقى واقول لاخواتى:

- مع مع مع مع.. ياللا يا قرايطيبييس.. مع مع مع

وترجع تانى محاولات المنافسة الشريفة انهم يزقونى من سور
البلكونة عشان هما بيعحبونى قوى وعاوزينى افوز بالجائزة الأولى..

وهاتك يا لعب بعد سكون للمدة المطلوبة لقطع مسافة دخوله
وقفله للشيش والشباك.

وعودة إلى اللعب والصراخ وتمثيل ادوار فرانكنشتاين والمذئوب
والمذلول عشان المذاكرة ومصاصى الدماء زى الأهالى اللى بتعض
عيالها أثناء فترة الامتحانات..

في أحد احتفالات الكريسماس في الميدان كان لازم يكون في
افتكاسة مع العيال صحابى لأن الكريسماس ما يبقاش كريسماس الا
اما تحصل فيه نصيبة سودة، ده العادى بتاعنا.. عُرف في المنطقة عندنا
تقريبًا.

قررنا ان السنة دى تكون الاحتفالات عن طريق الألعاب النارية..
الله.. الله.. الله..

طبعا على أيامنا مكناش نعرف نجيب ألعاب نارية ولا قرد.. آخرنا
الخرطوش ابو نص جنيه الاحمر ده اللى بيفرقع في إيدنا ونفضل
نتعالج منه شهرين بمرهم حروق ده.. زى العبوات المتفجرة محلية
الصنع بتاعة اليومين دول.

طيب الحل إيه؟؟؟

سلك المواعين.. طبعا!!!!!! ده أفضل احتفال بالألعاب نارية..
جرى على البقال.

- لو سمحت يا عمو عاوزين تمانية كيلو سلك مواعين..

- تمانية كيلو؟ ليه حتتاجروا فيه؟؟؟

واللى ما يعرفش.. التمانية كيلو دول يغسلوا مواعين الصين تقريبًا
لمدة شهر.. أصلًا احتجنا اربعة يشيلوه من عند البقال عشان ينقلوه
الميدان.. وحطيناه في علب كرتون عشان المطر والمية اللى في الشارع..
وقسمنا نفسنا فريقين.. طبعا انت حتسأل ليه سلك مواعين وليه
فريقين!!؟

أقولك انا.. دى اسمها حرب سلك المواعين.. يعنى نشوف مين
الفرقة اللى حتخوف الفرقة الثانية..

فرقتى كان فيها حمادة بتاع بلف العجلة للى لسة فاكر القصة دى
اللى الكلب مخلاش منه حاجة.. بس الحكاية دى كانت قبل ما يتاكل.
وابتدت المنافسات الأوليمبية لسلك الألومنيا.. نولع ونحرك
دراعاتنا مروحة ونجرى ورا بعض في فرق.. حمادة صاحبي كان
شجاع وعفريت وكأنه متربى على لسعة السلك.. وابتدا يجرى
بسلكته المولعة ورا العيال اللى في الفرقة الثانية اللى جربوا من قصاده
زى المطاريد..

معتز قائد الفرقة الثانية كان شايل سلكته المولعة في إيده.. وباقي
مخزون أسلحته من السلك في جيب بنطلونه الجينز الورانى.. وهو
بيجرى من حمادة.. النار عن طريق الصدفة السوداء وصلت لمخزون
الأسلحة.. ومعتز مش دريان..

وفجأة..

- يا ختنا!!!!!!!!!!!!!!!!!!!!!! اقف يا مُعتز..

وان البيت ده فيه حاجة بايظة.. ومحتاجة تتصلح.. حاجة كده عليها
اربع عيون.. والعيون دى بتطلع نار.. وفي الآخر قالى بفرحة اكتشاف
العلماء لمصل مرض الفقافيق:

- اه... تقصد البوتاجاز؟؟!

- اه... يانا يا اما.. ليه يا رب بتعمل فيا كده؟؟

ليسييه؟؟!

وطبعًا.. احتجت إلى نص ساعة تانية.. عشان اقنعه انه لازم ييجي
معايا البيت.. عشان يصلح البوتاجاز ده.. لأنى لو رجعت من غير
حد يصلحه.. «أبابا» حيشوينى على الفحم.. والراجل اللى سنه تخطى
التسعين مرتاح.. بيتحجج..

- أسيب المحل لمين يا ابنى؟

- حنقله يا عم شاكر مسافة السكة.

- طب اسيب الشغل ازاي يا ابنى؟

- ما هو اللى انت رايحه ده شغل برضه يا عم شاكر مش رايحين

SPA احنا!!

- طب اسيب عيالى لمين بس يا ابنى؟

- عم شاكر انت رايح شغل.. مش رايح تتحاسب!!

- خلاص خلاص.. حاجى معاك.. الأمر لله.. يا مقوى يا رب.

طبعًا.. عم شاكر كان راجل عفى.. ما شاء الله.. محتاج حد يسنده

عشان يفكر أصلًا مش يتحرك.. وبعدين بيتحرك بطيش بقى..
بسرعة خطوة فى العمر.. وما بين كل خطوة خطوة كان بيحتاج
ياخد مليونام أجازة تقريبًا.. راحة سليية زى فريق تشيلسى كده!!

على العصر بعون الله.. وصلنا تحت البيت.. بعد ما كنت انا كبرت
فى السن فى السكة.. وعم شاكر مش محتاج يكبر عن كده.. خلاص
هو جاب آخره فى العمر.. ده الماكسيمم بتاع الموديل ده..

وقف عم شاكر تحت العمارة يريح من السكة اللى انا خدتها رايح فى
ربع ساعة.. وراجع معاه فى سنة ضوئية.. وقف وسألنى:

- انتم فى الدور الكام يا ابنى؟؟؟

- احنا فى الخامس يا عم شاكر..

- يا اه... هى العمارة دى ٥ أدوار؟

- آاه.. شوف التطور.. معلىش انا عارف ان نظرك جايب الدور

التانى بس.. بس خليك معايا ما تعملش شط داون دلوقتى.

- طيب يا ابنى.. استعنا على الشقا بالله..

وبدأنا رحلة الصعود اللى مكنتش عارف انها تقريبًا حتاخذ نفس
الوقت اللى اخدته الزرافة فى التطور من مخلوق قصير الرقبة إلى رقبة
وطالعلها مخلوق..

وعلى الجانب الآخر.. كان «أبابا» فى الشقة فوق هو و«أماما»
أخدوا قرار نهائى انهم يبلغوا البوليس انى اتخطفت.. ويبلغوا
البوليس ان الخاطفين لو طلبوا فدية مش حيدفعوا ولا مليم.. وإن

- ألف ألف نهار ابيض أبابا.. مبروك عليكم وعلينا.. ويارب كتر أفراحنا.

- احنا لازم نستعد يا شريف..

- نستعد ازاي يعني؟ نسند العدد أنا واخواتي وهو نازل يعني؟

- إخرس يا حيوان.. لازم الناس كلها في المنطقة تشتري المجلة.

- بسيطة.. طيب احنا حنقولهم كلهم أبابا.. إطمئن..

- لا لا لا.. أنا عندي فكرة تانية خالص..

- استر ياللى بتستر.. حجزت لنا في مستشفى طيب أبابا والا حتعالج في البيت؟

- بس يا حيوان.. بكرة الصبح.. انت واخواتك.. حتنزلوا قبل الساعة ستة الصبح.. تلمّوا كل المجلات من كل بياعين المجلات اللى في المعادى.. وتبقى في منطقتنا احنا بس في المعادى.

- هو في بيع جرايد جديد حيثح تحت البيت أبابا؟؟؟

- لا.. إنت واخواتك البغال دول اللى حتبيعوها.. وكل نسخة تتباع.. تقول للى شاريتها ان باباكم كاتب فيها..

- أنا ممكن اقف عريان ملط في طشت في الميدان تحت البيت أبابا وما اعملش اللى بتقول عليه ده..

- امشى يا حيوان بسرعة استعداد لبكرة.

- أبابا كده حرام وربنا ع..

- امشى..

- يا ختانا!!

وطبعًا مُغمض العينين مأسوفًا على شبابي أنا والغلابة اخواتي لبسنا اللبس الرسمي للماراثون الصباحي.. الشورت.. وأخذنا شنط الضهر.. والعجل.. وطلعنا بقى احنا التلاتة نغنى في شوارع المعادى في الفجر.. أغنية عبد الحلیم حافظ مش فاهم..

- أبوة بقالها ايام وليالي تعذب فيا.. يا ختانا!!!!!!!!!!!!!!!!!!!!!!

ولإن ده كان أول عدد من المجلة.. كان بياعين الجرايد والمجلات بيحاولوا يستفيدوا منها أكبر استفادة ممكنة.. ويغلّوا علينا.. واحنا نشترى.. ونفاصل.. ونعيط للراجل لأن سعر المجلة وصل للضعف..

- والنبي يا عم الله يخليك معايش فلوس تكفى..

- روح يا ابني هات فلوس وتعالى..

- يا عم الله يخليك اديني نسختين وحياة عيالك.

- يا ابني ما ينفعش..

- أبويا حيسفلتنى إلهى تشوف عيالك في تامنة اعدادى..

وبين الشد والجذب.. استغرق الأمر - والأمر لله - حوالى ساعتين ونص.. كانت التسلخات في عز الصيف فازت بمعركة الفخاد الكبرى.. وكنا لمينا كل النسخ اللى في المعادى.. حوالى ١٥٠ نسخة من المجلة.. ورجعنا بيهم على البيت عشان الجرد المخزنى اللى أبابا عاوز يعمله..

- إيه ده يا حيوان؟! مية وخمسين نسخة المفروض بمية وخمسين جنيه.. ليه دافع ميتين وتمانين؟!!!!

- أبابا احنا بعون الله قدرنا نكون أول عيلة تخلق سوق سودة للمجلة.. يعنى ممكن تغير تصنيفها من مجلة أطفال لمخدرات عادى.. ومش بعيد حالاً تلاقى الحكومة بتقتحم البيت ونتشد كلنا.

- اخرس يا حيوان.. وفهمنى.. ليه الفرق ده؟

- فرق ايه أبابا بس صلى ع النبي فى قلبك.. ده فى بياعين ما رضوش يدونا النسخ غير اما أخذوا ضعف سعرها وتلات بوسات من كل واحد فينا.. إحنا اتبهدلنا أبابا!!!! يا ختا!!!! اى عيالك اتبا!!!! است يا ختا!!!! اى.

- ما كانش المفروض توافق يا حيوان.

- ما هو كان بياخد البوسة بالعافية أبابا!!!

- انا بقول على سعر المجلة يا حيوان..

- والبوس عادى؟؟ يا ختا!!!! اى.. طلقنى أبابا..

- اخرس..

- حاطر افنظم..

- بكرة الصبح.. الجمعة.. تنزلوا من بدرى.. ترصصوها قصاد

البيت.. وتبيعوها بسعرها الرسمى..

- احنا حنبقى خسرانين كثير كده أبابا!!!

- مش مهم.. المهم فى المرحلة دى الانتشار..

- أبابا دى مجلة أطفال مش بيروسول بلا رائحة!!!

- بس يا حيوان.. انتو ما بتفهموش حاجة..

- as u wish بقى يا سيناتور.. احنا كده كده بنقضى فترة عقوبة

فى البيت ده.. شوف تحب نقضيتها ازاي.

- ههشش.. خش نام بدرى انت واخواتك عشان حتصحوا

بدرى..

- طب نشوف برنامج أوسكار طيب أبابا.. النهارده الخميس!!!!

- نووووووووووم بدرى يا حيوان.

- حتى سناء منصور مش حشوفها.. يا ختا!!!! اى

وطبعًا.. نوم بدرى بأوامر من قائد معسكر مخزن المطابع الأميرية

فرع بيتنا.. وصحيان الساعة الخامسة صباحًا.. عشان نلحق الكلاب

البلدى اللى فى الشوارع اللى خارجة تسترزق من أكياس الزبالة

وتجربى ورا الكناسين.. بس لقيت لعبة أحلى.. وهى الجربى ورائنا..

زهقت من الكناسين وقالت تغير..

طبعًا.. أساليب الدفاع عن النفس تمحورت فى عدة طرق.. تحدف

كلب بمجلة.. يمزعها.. يهو هو أكثر.. تطلع فوق سقف عربية وانت

شايل خمسين نسخة على قلبك.. وشورتك اللى انت لابسها بيأكدلك

انك حتتقرم حتتقرم.. الكلب كثير كان بيصلنا بصات أكثر إثارة من

بصات بياعين المجلات اللى كانوا بيوسونا غضب.. أول نوع كلاب

حمدى الوزير مفترس.. مجموعة من المرتزقة... كلكم خونة..

الاعتراف السابع العجل الأسير

السنة الوحيدة اللى أبابا قرر فيها يدبح عجل في العيد بالاشترك مع قرايننا.. كان من نصيب أسرتنا احنا اننا نحط العجل ده عندنا فيه جراثش كبير في العمارة.. طبعًا.. احنا ثلاث ولاد.. وحنهتهم بيه.. وعندنا مكان واسع في الجراثش وسط العربيات..

إيه يعنى أسبوع قبل العيد الكبير؟؟؟ عناية ونضافة وأكل وشرب؟؟؟

ولا حاجة.. مسألة في منتهى البساطة..

إيه يعنى كل يوم ننزل نروح عند بياع البرسيم عشان نجيب لسموه بخمسة جنيه برسيم؟؟؟

مفيهاش حاجة برضه.. خصوصًا اما تعرف ان الإقبال على البرسيم في الوقت ده من السنة كان بيبقى زى الإقبال على دخول السينما في العيد وقتها.. مجزرة عند شباك التذاكر كده.. مصر كلها عاوزة برسيم.. للخرفان والعجول والشباب الحلو اللى زى انا واخواتى كمان.. ما يضرش.. البرسيم مغذى والدراسات كلها بتقول كده.. طبعًا العجل كان بياكل ويشرب كويس.. انما التجارب الفيزيائية الباراسيكولوجية اللى كنا بنجرها عليه انا واخواتى على

مداخل المترو؟؟؟

- اخرس يا حيوان.. حتعدوا على جيرانا اللى في الميدان في بيوتهم.. تحبطوا على الشقق تعرضوا عليهم شرا المجلة.

- كمان حنروح شقق؟؟؟ أبابا حرام عليك.. وربنا حرام عليك.. بُص كده.. دا لسه شنب بياع الجرايد معلم في وشى يا ختااa

عاااa

السوق السوداء والأيام برضو

أوسكار راح نشوف نادى السينما وأهدنا لله

معااa

بلااa

طريقة عمو الحاج ابو فرانكنستين كان واضح جدًا انها السبب
الأساسى فى ظهور مرض «جنون البقر» فى الوقت ده..

تخيل معايا اما يكون العجل بياكل فى أمان الله.. وفجأة يلاقى
ملاية نزلت على راسه ما يقاش شايف حاجة وصرخات الهنود
الحمراء انطلقت حواليه من كل مكان زى سريانة الحريق فى شركة غاز..
المسكين كان بيدخل بدماعه فى عمود أساس البيت بتاع خمسميت
مرة فى الدقيقة ورا بعض.. لحد ما يدروخ ويركن على العمود ويرفع
حوافره فى اتجاه السما بعد ما يكشف الملاية من على راسه ويحسبن
علينا.

أو تخيل اننا ممكن نفضل نراقبه عشر ساعات لحد اما نطمئن تمامًا انه
نام الحمد لله وغمض عينيه ويحلم بيوم الدبح عشان يخلص مننا..
وفجأة نرش على راسه مية ساعة أيام ما كان العيد الكبير بييجى فى
شهر طوبة.. يا كبدى لو كان العجل ده اعتقلوه فى أمن الدولة بتهمة
محاولة قلب نظام الشورى ما كانش حيتعذب كده.. الكهرايا كانت
حبقى أرحم ليه من المية فى الجو ده..

لحد ما جاء أمر الله.. يوم العيد الصبح.. بعد الصلاة.. أول ما
أبابا.. طلب منى انى أجهز انا واخواتى بعد خروجنا من الجامع.

- يا شريسيسيسيسيسي

- أفنظم أبابا.. كل سنة وانت طيب أبابا..

- طيب.. اطلع بقى هات الاطباق البلاستيك الكبيرة عشان

«زكى» الجزار وصل اهو..

- طب والعيدية أبابا؟!!

- مش وقته يا حيوان.. اما نخلص..

- أبابا نخلص ايه؟! العجل ده حفضل ندبح فيه لرابع يوم العيد

هات أى حاجة طيب اشترى كونو!!!

- ياللا يا حيوان.. بسرعة.

- حاضر أفنظم..

وطبعًا.. «زكى» الجزار بيلف حوالين العجل يعاينه وهو مربوط فى

ذات العمود اللى مربوط فيه بقالة أسبوع.. وبيتدى يفكله الحبل بهدوء

عشان يهدّيه.. لكن خبرة العجل السابقة فى الهولوكوست بتاعنا لمدة

أسبوع كامل.. مع الحالة العصبية اللى جتله من كتر تعرضه للهجوم

المباغت غير المتوقع فى كل أوقات اليوم حتى وهو بيعمل بيبيى..

خلت حالته أسوأ من حالة معتقلى «الزنى بركات» فى المسلسل..

كان بيدور بلهفة على السكينة فى إيد «زكى» الجزار عشان يخطفها منه

ويضرب نفسه بيها فى سويداء القلب ويخلص.. كان محتاج كبسولة

سيانيد تحت ضرسه وهو حيضغظ عليها وينتحر بكل أريحية زى

الجواسيس بعد ما بيتقبض عليهم.

أنا بقى واخواتى.. نازلين من البيت.. زعلانين جدًا جدًا على

العجل.. للأسف خلاص.. كلها كام دقيقة.. ومش حنلاقى حد

تانى نجيبه حالات شلل رعاش.. ولا حنلاقى مخلوق نخضه تانى..

وبالشلوت.. الاتنين.

طبعاً.. كان لازم نخبى الجثث فى مكان بعيد عن متناول إيد «أبابا»
عشان نقدر نحتفظ بيهم أكبر قدر ممكن قبل ما يكتشف وجودهم..
ويخلينا ننزل نسرح بيهم عند الفرارية فى انصاص الليالى..

البلكونة البعيدة.. هى المكان الأمثل لعمل معسكر إعداد
للكتاكيت.. البلكونة دى.. «أبابا» ما بيدخلهاش.. هو طول الوقت
بيقضى يومه فى بلكونة أوضته..

فعلاً.. «أبابا» رجع من الشغل.. ومعرفش اننا جنبنا كتاكيت الحمد
لله..

نعم؟؟؟ أماما؟؟؟

تم تهديدها بخطف ابنها الصغير وتعليق الرومانه ورميه فى بلاعة
مجارى إذا نطقت بكلمة.. واستجابات للتهديدات الحمد لله.. مع
الجملة المشهورة فى كل أفلام العصابات..

«انا ما شفتش حاجة.. ومعرفش حاجة.. ولو ابوكم عرف.. انا
معرفكمش»..

طبعاً وافقنا على استحياء.. لأننا برضه عارفين ان «أبابا» لو عرف..
حيكون حزن «أماما» هو الملجأ النووى الأكثر أمناً عند بدء الهجوم
بالصواريخ ذات الرؤوس النووية على قفانا وعلى الحشفة.. مرت
الأيام.. واحنا بنعمل كل المحاولات المضنية اننا نخبى الكتاكيت..
طبعاً بقى.. الكتاكيت.. جعانة..

«سيو سيو سيو سيو سيو سيو سيو سيو»

هووووووووووووووووووووووش اخرس.. تكتم نفس الكتكوت
لحد ما يفهم انه لو صوصو صوصواية واحدة كمان.. حيكون مصيره
بطن قطة واقفة فى الشارع مستنية أى حاجة تقع من الخامس.. فا
يسكت.. الكتاكيت بردانة..

«سيو سيو سيو سيو سيو سيو سيو سيو»

يحرقك.. غطيها بالكوفرتة.. مش مهم احنا مناخيرنا تقع من
السقعة.. المهم تخرس احسن «أبابا» ممكن ينفيينا إلى سجون سيبيريا
لو شم خبر..

الكتاكيت عاوزة تتشمس..

«سيو سيو سيو سيو سيو سيو سيو سيو»

شمسها بسرعة قبل ما «أبابا» يرجع من الشغل.. احسن لو رجع
ممكن كلنا نتشمع بالشمع الاحمر احنا والكتاكيت.. مش نتشمس.
مرت الأيام.. والأسابيع.. فقدنا فيهم تسع كتاكيت.. لأسباب
متنوعة كثيرة.. منها مثلاً عدم استخدام كارنيه التأمين الصحى
والرعاية الطبية للكتكوت.. رفع الدعم عن الدشيش.. خلافات
دولية حادة مع الحداية اللي أكلت لوحدها ثلاث كتاكيت.. وأخيراً..
القتل الخطأ عن طريق تحويل الكتكوت إلى رسمة «تويتى» على
أرضية البلكونة لأنه فاكر نفسه فى أغنية أهلا بالعيد وبيجرى بهطل..
بعد مرور ثلاث شهور.. «أبابا» خلاهم كان نايم فى العسل

وروحنا انا واخواتى.. و«أبابا».. دخلنا البيت.. يااااه.. البيت من غير أماما مالوش طعم.

مش لاقين حد يسقينا بق مية.. وبدأت المواجهة.. أول ما أبابا نده..

- يا شرييييييييف

- أفنظم أبابا

- اعملى شاي..

- إيه الشاي ده!!؟

- امشى يا حيوان اعملى شاي..

- ربنا يستر أبابا.. أوعدك ححاول.. حتوحشنى..

طبعا.. كانت دى أسوأ كوباية زرنوخ شربها أبابا فى حياته.. وكان تعليقه اللى انا لسة فاكره لحد النهارده.. هو ان كمية البيروسول فى الشاي كانت كثير.. ابتدا أبابا يحس انه حيشوف أيام سودة.. على أساس ان احنا اللى حنشوف أيام بمبى.. فقرر أبابا ليلتها.. يحط القواعد فى البيت.. ويتذكر بطولاته الخالدة فى حرب أكتوبر اما كان قائد كتيبة.. وقرر انه يقود الكتيبة فى البيت.. الكتيبة الكتيبة.. وكانت قرارات القائد الأعلى للشقة.. القرار الأول لسنة سوداء رقم ألف تسعومية اتنين وتسعين انى انا حكون مسئول الأكل فى البيت الأيام دى.

القرار الثانى لذات نفس العام الاسود ان اخويا الوسطانى حيكون

مسئول تبويظ الغسيل.. قصدى مسئول الغسيل..
القرار الثالث والأخير قبل الانتحار فى عام الكلب ان اخويا

الصغير مسئول التنظيف..

وأبابا مسئول انه ياكل ويشتم وينام ويروح الشغل.. أبابا بعد كده.. اعترف انه غلط فى الموضوع ده جامد.. خصوصاً اما رجوع فى اليوم السابع.. بعد ما كان حيطق.. ودخل من الشغل..

- يا شرييييييييف

- أفنظم أبابا

- عامل أكل إيه النهارده يا زفت؟

- فضلة خيرك.. مكرونة مقصوصة بالصلصة..

- يا ابنى بقالنا سبع أيام بناكل مكرونة بس! الرحمة بقى!

- أبابا.. ناكل مكرونة أحسن ما نموت مسمومين كلنا..

- طب غير الصنف تانى يا حيوان!!

- أبابا انا غيرت امبارح ومن اربع أيام.. انت نسيت؟

- غيرت؟؟؟ احنا أكلنا مكرونة طول الأسبوع!!!

- أيوه بس انا كنت عامل مكرونة اسباجيتى.. ومن اربع أيام

كانت مكرونة مقروصة.. وقبلها صدف البحر..

- صدف البحر؟ مفيش فايده.. حيوان..

- جراتسيا سنيورى..

أنا طبعا خلال هذه المدة.. قررت انى أعيش فى دور الشيف

الاعتراف الحادى عشر المصيف والضباع

بمناسبة دخول فصل الصيف.. وبدء موسم المصايف.. حابب
جدًا أحكي لكم حكاية أول مصيف رحناه فى اسكندرية بعد ما رجعنا
من خارج مصر.. أول ما أبابا أخذنا اسكندرية فى أواخر الثمانينات..
فى الوقت اللى مكانش فيه حاجة اسمها الساحل أصلاً.. وكان
المرواح لشرم أو الغردقة ضرب من ضروب الجنان.. اسكندرية فى
نص أغسطس كانت بتبقى عاملة زى ذى الحجة فى السعودية كده..
زحام غير طبيعى.. مصر كلها بتصيف فى اسكندرية.. وأبابا طبعًا
مفهمنا.. ان وجودنا فى الزحمة دى.. سلاح ذو حدين.. يا إما نحترم
نفسينا ونمشى زى البنى آدمين وبلاش شغل التنظيط بتاع القروود
ده انا واخواتى.. يا إما نتوه منه فى الزحمة وهو أصلاً مش حيدور
علينا وحيبقى كسبان جامد.. واحتمال يوزع لحمه على الفقرا احتفالاً
بالموضوع ده..

- تمشوا كويس.. مفهوم؟؟؟
- حاطر أبابا.. مش حنعرج..
- بقول تمشوا كويس يا حيوان انت واخواتك..
- حاطر أبابا والله.. حنمشى طابور كمان..

طبعًا هو ما قدرش يربط اننا عكسنا وغسلناها بالزهرة وخطينا
عليها شوية مسحوق.. لكن هو على آخر اليوم التاسع كان استسلم
الحمد لله.. وبقي ياكل المكرونة ويتف فى وشنا بهدوء شديد من غير
ما يحدفنا بأى حاجة.. وبقي يشوف القمصان السكرى بتاعته وهى
خضرا ف يرميها من سكات ويحسبن علينا فى البلكونة.. رحنا اخدنا
أماما من المستشفى.. ورجعنا البيت.. والحمد لله كل حاجة رجعت
لموقعها الطبيعى.. بس طبعًا بعد ما أقنعنا «أماما» انها تعدل عن فكرة
الانتحار وحدف نفسها من بير السلم.. بعد ما شافت الشىء الوحيد
اللى فشل أبابا انه يروضنا فيه.. نضافة الشقة.. اللى أول ما أماما
دخلتها.. كان ليها تعليق واحد فقط..

يا ختنا!!!!!! اى.. حيجيلى دوالى تانى لو روقت الشقة..

- # أماما_أحلوَة_أجمل_غنوة
- # باولو_مالدين_للباشتا_باللحمة_المحروقة_وشدكاه
- # نصيحة_لا_تستخدم_غسالة_الأطباق_لغسيل_الشرايات
- # أبابا_خس_وجاله_الضغظ

الاعتراف الثاني عشر شط اسلندريث ١

يا حبيبي يا ابا الله يرحمك.. كان نافخنا أنا واخواتي.. مين ينسى
أيام المصيف الجميل.. أحلى عشرة ايام في السنة كلها.. اللي بنستناها
من أغسطس لأغسطس اللي بعده.

مين ينسى المعمورة.. أنصف مصيف في التسعينات.. أروق
مصيف في مصر لحد النهارده.. أنا ما برتاحش غير هناك.. لا مارينا
ولا مرسى ولا قرد.. انا الكاتالوج بتاعى كده.

هى المعمورة.. على الرغم من انها بقت زحمة عن زمان كثير.. إنها
القلب وما يريد.

كل سنة.. يا دوب نوصل أنا واخواتي مع أبويا وأمى وعائلات
شركة صوت القاهرة اللي كان المصيف طالع تبعها.. ونبتدى انا
واصحابنا ١٠ أيام مقلوبة.. سهر طول الليل ونوم طول النهار..
درمغة.. متعة في المدينة التي لا تنام لمدة عشرة أيام.. قمة السعادة كل
سنة.. لحد ما حد الظاهر دعا علينا في سنة سوخة ومنيلة بنيلة.

وطلعت في دماغ أبابا انه يروح المصيف السنة دى مش عشان
يصيف.. لا.. إنها عشان يصطاد..!!!

شايفك يا سافل يالى بتقول يصطاد مُرز.. لا يا شقى.. قرر - الله

الألبسة_النايلون_اللى_جواها_سندوتشان_الشاورمة_اللى_
فى_عيش_كايزر

عندما_تعود_الخيول_فهي_إلى_المزرحة_فى_المعمورة

بخمسة_جنيه_شاورمة_واتوصى_بالكايزر

زحمة_يا_دنيا_زحمة

زحمة_وتاهوا_الجاباب

الاعتراف الثالث عشر شط اسلندرية ٢

كانت حالتى أشبه باللى راجعين من الحج مشى.. لا شايف ولا
حاسس.. ومحتاج اوصل للسريير بأى شكل.. ولو ما وصلتش
للسريير مفيش مشكلة.. حنام يعنى حنام ان شالله انام واقف زى
الحصينة.. انا بقالى أكثر من ستة وتلاتين ساعة صاحى بين التنظيط
والخروج والصيد اللى أبابا قرر يمارسه فى المصيف فجأة السنة دى.
داخل البيت الساعة خمسة ونص الصبح.. شبه بزحف انا
واخواتى من التعب زى حيوان الورل الصحراوى.. غيرت
هدومى أو مغيرتهاش مش فاكر.. اللى فاكره كويس قوى انى كنت
بدأت أعيط أول ما لمحت السريير من شدة التأثر.. وقفت ثانية جنبه
ابص عليه.. واعيسيسيسيسيط.. أمد إيدى اطبطب على المخدة..
واعيسيسيسيسيسيط.. وبعدين الشوق قتلنى بقى.. رُحت مرمى
عليه وواخده بالحضن ومعيسيسيسيسيط.. ويا دوب لسة ححكيله
عن مشاعرى ناحيته.. واعترفله انى جزمة انى بعدت عنه..

- يا شر يسيسيسيسيسيسيف

لا لا لا.. ده أكيد صدق صوت بيرن فى ودنى من امبارح.. ودى

مجرد تهيؤات.. يا راجل كبر مخك..

الاعتراف الخامس عشر وجوه وأفتحة

إحنا الحمد لله طالعين ولاد.. مش بنات.. عمرنا ما مرينا
بالتجارب السوداء بتاعة لبس جزمة أماما اللي بكعب ثلاثة سنتيمتر..
كنا بنضرب بيها بس.. محدش فينا انا واخواتي فكر في يوم انه يلبس
فستان أماما الليلاه.. ولا بُرنيطتها الخوص اللي اتصورت بيها على
البحر في اسكندرية واللى كانت موضحة كل ستات الكوكب في
الستينات.. إنها عشان احنا رجالة.. ووقفنا وقفة رجالة.. كان لازم
أبابا - الله يرحمه - يكون له من الحب جانب.. وياخذ نصيبه من
المشاركة الذكورية في عائلة الضباع اللي بنكوّن افراد مهمين جداً من
قطيعها.. طبعا الكلام ده بمنتهى الحذر.. مفيش داعى نصحى بركان
أبابا الخامد وينفجر في وش كل المخلوقات الحية اللي في البيت..
واللافا بتاعته تسيح جتتنا من الضرب بالحزام.. إنها برضه الأمر
ما يسلمش.. الزهق ممكن يسبب بلاوى سوداء بعيد عنكم وعن
السامعين.. في يوم من تلك الأيام التي لا يطلع لها شمس تُذكر.. وفي
أجازة الصيف.. وفي الحقبة الزمنية اللي كنت انا متزعم فيها عصابة
اخواتي.. وانا ما زلت في مرحلة عدم التأكد من ان اللي طالعلى تحت
مناخيري ده شعر؟؟؟ والا حد من اخواتي مرخم عليّ وانا نايم

الاعتراف السادس عشر هرم ما بدره

أصحاب المدرسة وأيام المدرسة وجمال أيام المدرسة.
مفيش حد بيفتكر أيام المدرسة إلا لما الحنين بيشرح فيه زى بلطجي
موقف واحد على ناصية حارة ويقلبه في اللي معاه.. تفتكر أيام
المدرسة وتبتسم.. غصب عنك تبتسم مهما حاولت تمنع الابتسامة..
لكن.. أول ما بتفتكره.. بتتسد نفسك.. هو مين؟؟؟

العيل الرخم.. غتيت الفصل.. الفحل اللي كان بيضربك انت وكل
العيال الغلبانة اللي في الفصل.. العيل اللي كان شبه ترعة المحمودية
ده.. طويل عريض.. وتحس انه ساقط تسع سنين.. وقدرك الاسود
رماك في وشه وحطك معاه في الفصل.. المشكلة انك دايمًا بتحس ان
إدارة المدرسة - إلهي تولع - بتوزعهم على الفصول.. يعنى موجود
في تالته أول نسخة منه.. ومتهيب موجود في تالته تانى.. تروح تالته
تالت؟؟؟ راشقلك واحد هناك.. لحد ما توصل للزغلول الكبير
بقى.. تالته سادس.. الفصل ده بيحطولك فيه الوحش الكبير بقى..
الى بياكل كذا واحد من صحابه لحد آخر السنة.. ويفضلوا قافلين
عليه الفصل لحد ما السنة تخلص لأنهم بيخافوا ع العيال اللي في
حضانة ممكن يقزقزهم عادى في الفسحة.. طبعا النسخة الخاصة من

أبأبا اللي بدأ يتحول لفان هيلسينج عشان يدبحنى انا واخواتى..
لكن أماما فهمته ان الموضوع بسيط.. ومش حيحتاج اكر من
ميت جلدة لكل كلب فينا.. بعد ما خبت منه الواد اخويا في التلاجة
عشان ما يشوفوش اما يرجع.. وفهمت أبأبا ان البغال ما بتحسش..
والضرب مش بييجيب التأثير المطلوب معاه.. زى ما بيعمل منع
التبن مثلاً..
ومن يومها.. قررت قرار نهائى.. بإن الوساخة اللي تحت المناخير..
حسيها لحد ما تنشف.. أو تُقع لو حدها...

شعر_والا_دقه_والا_أورطى

فى_سلايس_بيكانا_وقح_مه_خدك

روجاجو_فى_الرقبة_وليب_لايند_ورا_الوداه

الوحش ده .. عندنا كان اسمها «حسام» ..

حسام كان «راينو صوريص» صغير .. طفشان من العصر البلشوفي
وجاى يتفسح عندنا فى الفصل .. كان فى اوقات فراغه بيععض فى
خشب الدكك .. ولما بييجوع بيدوا المدرسة أجازة .. أو بيعلنوا الدور
عندنا منطقة كوراث ..

طبعا حياتى مع حسام كانت عبارة عن إقناع تام انه لو أكلنى مش
حيشبع .. أنا أصلا أرفع من انى اشبعه .. وبعدين لو ضربنى ومت فى
إيده .. حتحصل مشاكل .. وانا كنت حالف انى اموت فى إيده لو فكر
يسلم عليّ حتى .. قادتنا الصدف السعيدة وتخطيط المدرسة العشوائى
إلى رحلة مدرسية جميلة ..

- هيسيسيه .. فين يا أبله؟؟

- الهرم يا حيبى ..

- يوووووه رحناه يا أبله ..

- لا مش دهون يا حيبى ...

- أمال انهون يا ابله؟؟

- هرم مايدوم يا حيبى اللي فى أول الفيوم ..

- مايدوم العز يا ابله ..

- اخرس يا حيبى ..

- حاضر أبله ..

حوار سريع واضح دوغرى مش محتاج لف ولا دوران ..

- يا ولاد .. الرحلة بخمسة جنيه .. هاتوا الفلوس بكرة .. بالنسبة
لفصل حسام .. تجيبوا خمسة جنيه وكفن .. عشان حسام ممكن يحدف
حد بصخرة من بتوع الهرم وهو بيهزر معاه .. طبعا ده كان حوار
عادى جدا .. بيتقال وحسام قاعد فى وسطنا بياكل دراع مروة اللي
قاعدة قصاده على سبيل الملل .. انطلقت الرحلة إلى هرم مايدوم ..
وركبنا الباص .. وطبعا حسام كان قاعد فى الكنبة الأخيرة لوحده ..
وساحب معاه شوية عبيد من اللي مصاحبهم عشان يارس على
جلدهم تجارب القرص والعض والسحج والتعذيب .. كنا من
وقت للتانى بنسمع استغاثات مكتومة من الباص من ورا .. يعقبا
هدوء تام .. ولا بنى آدم كان بيلف يشوف فى إيه .. اللي مات يغور
فى داهية .. يستاهل عشان قعد جنب حسام .. لحد ما وصلنا لهرم
مايدوم .. وبدأنا مرحلة الهروب من الباص .. قبل ما حسام يوصل
للباب وياكل السواق .. وبدأ صراخ الأبله عشان نقف صف واحد ..
أنا فى الأول كنت فاكرها بتوقفنا صف عشان حسام ياكلنا بالدور ..
انما كانت بتوقفنا عشان ما نتوهش .. وطبعا كانت الوفيات جاية من
ورا لقدام .. الأبله واقفة قدام .. وحسام بيهضم اللي فى الصف ورا ..
الحمد لله كنت فى المقدمة ..

وبعدين .. حدث ما لا يمكن أن أتخيله أو اخطط له ..

لما الأبله ابتدت تسمع صراخ واستغاثات الأهالى ورا .. وتشوف
نوافير الدماء المتطايرة الناتجة عن اقتلاع جذور رقاب العيال .. ابتدت

الاعتراف السابع عشر الواد ده عيونه.. بدالات

رحلات الشباب وأيام الشقاوة والطاراوة.. شلة الشارع اللي هما هما
شلة المدرسة والجامعة.. الكورة والخروج والسهر والسينما والسفر..
وياللا بينا نطلع اسكندرية يوم من الصبح.. بس الجو شتا... وماله..
يوم لطيف صدر رد علطول.. لا خليههم يومين.. بقولك تعالى تخليههم
كام يوم كده.. لا أبابا يدبحنى ويطلق امى.. وهكذا.. المهم.. ترسى
الرحلة على يوم وبيات ونرجع تانى يوم بعد ما تسيب اخواتك رهن
لأبابا.. مع وعد منه لو ما رجعتش فى معادك حيسلمهم للأحداث..
عمومًا هى الأحداث تستاهل.. وتنطلق مع فاصل من الشقاوة
والضحك على اللي رايح واللى جاى.. وقلق لحد ما توصل
اسكندرية.. طبعًا احنا يادوب وصلنا وحطينا الشنط فى شقة احمد
صاحبنا.. وانطلقنا زى دانات المدفع إلى البحر.. وانت بتجرى
وبترفر ف بيديك.. زى صباح فى ساعات ساعات.. عمال تتذكر كل
الأيامات والحلفانات اللي أبابا وأماما حلفوك بيها..

- اوعى تنزل البحر يا شريف..

- حاضر أبابا..

- شريف...

الاعتراف الثامن عشر قلل فناوى

ما أروع الشرب من القلة!

هو ده اللى أبابا - الله يرحمه - تفتق ذهنه إليه في لحظة من لحظات الحنين إلى الماضي.. تلك اللحظة اللى قادته لشراء قلتين قناوى حلوين كده ومخططين من راجل غلبان من بتوع القلل اللى بتتملى وانت نازل تدلع دى.. طبعاً احنا في البداية انا واخواتى وأماما قلنا عادى.. وايه المشكلة.. مفيش أى مانع من ان أبابا يحقق شوية من شطحاته اللى بتعدى على أهبات كتير ويشترى قلة ويشرب منها.. حقه الطبيعى تمامًا في الحياة.. لكن..

محدث فينا أبدًا كان متخيل ان القلتين دول حيكونوا أحد أسوأ الكوايبس اللى عدت على البيت ويمكن على الشارع كله.. وبدأت الكارثة الكونية دى مع تانى يوم من شراء القلل لما لقينا أبابا خارج من أوضته زى الفرقاطة البحرية اللى بتطارد لانش سبيط غير شرعى وهو على صرخة واحدة:

- القلل فاضية في البلكونة لبيبيبيبيبي يا غجررررر؟؟

طبعاً الإجابات كانت مما بين الأقواس مش محتاجة تعلييل..

الإجابة الأولى: عشان حظرتكم شربتها أفنظم..

الاعتراف التاسع عشر شوماخر الآخر

العربيات.. وسواقة العربيات.. حلم كل شاب في مصر في فترة الثمانينات والتسعينات.. أبوك.. ومفاتيح عربية ابوك.. المصايب الي كنت بتعملها بالعربية من وراه.. وترجع المفاتيح مكانها تانى قبل ما يصحى.. ولا أكنك كنت السبب في انهيار سوق الذهب في العالم.. اهتمام الشباب بهاركة العربيات.. والمواتير.. والحاجات الكثير بتاعة العربية دي.. كانت بالنسبة لي بتمثل نفس اهتمام القريديس بمعاد اعادة عرض الحلقة السبعناشر من مسلسل هند والدكتور نعمان.. مخزن بلح كبير.. تقف العيال صحابى تتكلم عن العربيات بينما انا سابح في ملكوت منظمه سيده.. وطموحاتى عمالة بتكون خيالات تفوق ما تكونه أقوى أنواع المخدرات عن إنقاذى لمنتخب مصر في مباراة نهائى كأس العالم الي جاي كمان سنتين قصاد البرازيل في مباراة تاريخية كنت انا بطلها لدرجة ان شعب البرازيل ابتدا يسمي عياله على اسمى.. شريفالدو.. الشباب يقف يقولى ياللا يا شريف عشان ناخذ عربية ابوك بقى مرة دي او توماتيك يا ابنى.. وأنا أحاول افهمهم ان أبابا يربط العربية بالجنزير في صباع رجله الصغير وهو نايم ومستحيل العربية دي تتحرك من تحت البيت..

جراد تبقى سيلز مان.. لو بتبيع ديول أرانب في ميدالية لجلب الحظ أو
جلب القمل حتى تبقى سيلز مان.. لو ماشى بتبيع فرش سنان سمك
بلطى تبقى سيلز مان.. مش مهم على فكرة.. الوظيفة عمرها ما
كانت عيب.. المهم الطموح.. المهم الإترفيو.. كل الخيالات الهطلة
دى كانت بتراودنى مع الأحلام الوردية وانا أصلاً حالم بطبيعتى..
من قبل الإترفيو بيومين وانا بحضر في الهدومى بقى وبدلتى الرمادى
الفاحة.. بتاعة أبابا.. قوم أبابا.. مندى الأبيض.. بيع المان.. وكرافة أبابا..
وشراب أبابا.. مكل حلاقة دهن أبابا.. منديل قماش أبابا.. حزام
جلد أبابا.. قوم أبابا قام صرخ وابتدأ يجرى على التليفون عشان يبلغ
البوليس ان في حرامى سرق الدولاب.. مانها انا فهمته انى أخذت
الهدوم ودا مجرد سلف.. وكان حيروح الشغل بالجلابية..

المهم.. جاء اليوم الموعود.. وانطلقت إلى الإترفيو محملاً بدعاء
أماما اللى فضلت سامع صوتها لحد ما المينى باص خرج من حى
المعادى وهى واقفة فى البلكونة بتدعى ربنا يوفقنى.. أو بتدعى ربنا
ينقذها من اللى حيعمله أبابا اما يعرف انى أخذت النضارة الشمس
بتاعته وانا نازل من غير ما اقوله يا ختنا!!!!!!!!!!!!!!!!!!!!!!

أكيد حيسا مخنى.. أنا حاسس بكدة..

وصل المينى باص إلى المهندسين ونزلت بقى اوعى.. رائد فضاء
نازل من المينى باص على سطح المريخ لأول مرة.. اللهم صل على النبي
حاجة تفرح..

fb/Sa7er.Elkotob

انا آسف لكل جميلات المهندسين اللى حينهاروا فى الشوارع من
شدة وسامتى وفتكى.. فتكى عبدالوهاب..

أعتذر لكل الشباب اللى حيفركشوا بعد ما الجميلات حيتهافتوا
لالتقاط الصور التذكارية مع الـ Aline اللى نازل من المينى باص..
دى فرصة لا تعوض وممكن برنامج مواقف وطرائف يدفع فى الصور
دى الوفات.. هما فين؟؟؟ ها؟؟؟ هما فين؟؟؟ أكيد فى الشغل.. أو فى
الجامعة أكيد.. أيوه أيوه.. فى البيت صح.. عشان ده مش وقت نزول
فى الشارع.. معلىش يا مهندسين.. ليكى يوم.. انطلقت إلى مكان
الشركة زى ما العنوان مكتوب وانا بتفرج على العمارات الفيميه
الإزاز العالية وخيالى عمال يرسم صورة المكتب اللى بيص على النيل
فى المهندسين وما تسألنيش ازاي.. هو خيالى مريض لو حده كده..

نمرة سبعة واربعين فين؟؟؟ فين يا جماعة نمرة سبعة واربعين..
دى واحد واربعين.. ثلاثة واربعين.. خمسة واربعين.. اها!!!!!!!!!!!!!!!!!!!!!!
سبعة واربعين.. ايه ده؟؟؟ أحيه؟؟؟ دى سبعة واربعين؟؟؟ دى خمسة
يونيو سبعة وستين..!!!

دى عمارة من مخلفات الحرب..!!!

دى أكيد مدرسة بحر البقر الابتدائية اللى الطيران الإسرائيلى ضربها
وشالوها هिला بيلا وجابوها هنا كنوع من أنواع تنشيط السياحة فى
المهندسين!!!

يعنى عمارات خماشر دور رخام بمصاعد بانوراما فى كل الأنحاء

المحيطة.. وييجى حظى انا فى بيت الكلب ده!!؟

ده بنسبة تسعة وتسعين فى المية العقار ده حينهار وانا بعمل الإنترنت جواه..

شربيبيبيب.. عيبب... الطمووووح.. الإصرار.. أبااااااااااا..
أحلام المستقبل يا شربيبيبيب.. السوق المحلى اللى محتاج حد يسيطر عليه.. حتسب ساويرس يبرطع كدة؟؟؟

أخذت نفس عميق.. وبصيت لباب العمارة الخشب المطعم بالحديد المصدى وبصيت للسماء للحظة وقلت: يا رب افرجها وعدى اليوم ده على خير.. ودخلت العمارة واثق الخطوة يمشى بغلاً.. طلعت على السلم اللى بترج.. ومسكت فى الطرابزين المترب.. نجيت من الموت بأعجوبة وانا بعدى من جنب صندوق زبالة كان فى كلب دابب راسه فيه وافتكر انى طمعان فى محتويات شقة الأستاذ فيصل اللى كاتب اسمه على الباب.. ووصلت لحد الشقة وخبطت.. وافتحت لى أبواب الجنة.. الله.. الله على الديكور.. دى الشقة الأولى من نوعها اللى تبقى فى المهندسين وتخبط بابها وتدخل منه على محطة صرف دمياط الفرعية.

عم زكى فتح الباب.. عم زكى عامل البوفيه.. وعامل النظافة.. وعامل بيبي على روحه.. ريحته بتقول كده.. مش ممكن يكون استحمى خلال الميلينيام الحالى..

- أمر.. مين حضرتك؟

- مساء الخير ماى نيم ايز شريف أسعد.. فى انترفيوز ليا عندكم..

ممكن تديهولي؟

- نعم؟؟!

- هاهاهاها يو أر سو سويت.. مستر ظكريا موجود؟ عندى معاد معاه..

- اتفضل.. نقوله مين؟؟

- ما انا قلت لك ماى نيم ايز شريف أسعد!!

- دى شركة حضرتك ليكو فلوس؟؟ هو ما بيدفعش حاجة اليومين دول.. الشيكات حتبقى جاهزة كمان شهر

- لا شيكات ايه؟؟؟ أنا اسمى شريف زفت أسعد.. وعندى معاد معاه.. هو اللى قالى آجى.. هو موجود؟؟

- ثوانى.. حشوفه موجود والا لا

- أفندم؟؟!!!!!!

وطبعاً عم زكى دخل أوضة وغاب جوة بتاع ربع ساعة.. شكل الأوضة دى طويلة قوى.. وخرج ومعاه صندوق صفيح فيه ورق مقطع واطباق وكوبايات شاي بفتلة ازاز وطفى سجاير..

- عم زكى انت خارج من الخرابة؟

- اتفضل.. الأستاذ زكريا مستنيك جوة يا أستاذ أسعد..

- ميرسى يا عم زكى.. شربات.. شربات يا عم زكى..

طبعاً وقفت عدلت من هندامى بقى عشان ادخل على رب عملى

الجديد المستر ظكريا.. وقعدت افكر كل النصايح بتاعة كتاب «كيف تنجح في الإنترنتو بدون معلم للمتخلفين؟».. وخبطت برجلي في الأرض الخشبية عشان اسيب إيقاع مميز بقى وحاجة انما إيه.. شغل فنادق نجمتين.. المستر ظكريا استقبلنى بكل ود وترحاب ودعانى للجلوس على الكرسي الخشب الى سالفه من القهوة الى على أول الشارع.. وقعدت بعد ما اتأكدت انه خالى من المسامير عشان أبابا ممكن يطلق أماما لو البدلة جراها حاجة.. ومستر ظكريا مش حينفعنى ساعتها..

- فرصة سعيدة يا أستاذ شريف.. اتفضل.. تقدر تتحدث عن نفسك..

- أنا شاب صغير.. ذكر.. بشعر مجعد.. عيونى عسلية.. أجيد التحدث باللغة الأم واللغة الأخت.. وأجيد الإنكليزية بطلاقة.. وأقطن في حى المعادى وأتطلع إلى أن ألقى احتياجاتكم من المؤهلات المطلوبة للانضمام إلى هذا الصرح الكبير.

- اخدت كورسات كمبيوتر؟؟

- نحن نملك جهاز كمبيوتر في المنزل.. وبخلص دور السوليتير في اثنين دقيقة واربعة واربعين ثانية..

عم زكى اقتحم الأوضة وهو شاييل كوبايتين شاي.. بس طبعا لاحظت ان الكوبايتين دول هما نفسهم الكوبايتين الى كان خارج بيهم في العلبة الصفيح وانا قاعد برة.. والبقع الى على إزاز الكوباية

من برة بتقول ان دى بقع مخلفات غبار ذرى.. وان آخر مرة الكوباية دى شافت فيها الغسيل كانت أيام ما كان عم زكى بشورت لسة.. طبعا المستر ظكريا.. طفح عادى لأنه حامل للفيروس أساسا.. وحلف بشرف مامته ما حنكمل الإنترنتو غير لما اشرب الشاي الأول.. وطبعا أنا حلفت بشرف مامته هو ما انا لامس الكوباية الى أكيد حتجيلي الجمرة الخبيثة لو لمستها.. لكن تحت وطأة ضغط إصرار مستر زفتكريا.. اضطريت اشرب الشاي.. مش مهم خالص الطعم الى مع كل شفطة بيتأكدلى ان ده مستخلص زيت خام رائحة عم زكى.. ولا شاي ولا زفت.. ده نهاية العالم في كوباية مش اكر من كده.. بطنى قلبت.. أنا محتاج ادخل الحمام ضرورى.. فورًا.. بس كتاب «كيف تنجح في الإنترنتو بدون معلم للمتخلفين» بيقول: يا متخلفين محدش يدخل الحمام وهو في الإنترنتو عشان التركيز مع القائم بالإنترنتو.. المثانة بقت قد السد العالى.. فليذهب الكتاب إلى الشيطان.. أو إلى المستر ظكريا شخصيا..

- سيكس اكيوز مى مستر ظكريا.. ممكن ادخل الحمام بعد ايف يوبليز؟!!!

- آه بس احنا لسة ما اتكلمناش في السلارى.. المرتب يعنى..

- أووووووووه السلارى.. لا حتتكلم فيه طبعا بس بعد ما اخرج من الحمام عشان واضح انى حاخذ بالباقي لبان..

- احنا هنا بندى المرتب بعد أول ثلاث شهور شغل.. عشان نتأكد

الاعتراف الحادى والعشرون رجلين ممدوح

«بلدكم إيه؟؟؟»

سؤال كلنا بنتسأله طول الوقت.. ودايمًا الإجابة بتكون تلقائية..
الصعيد.. بحرى.. شرقاوى.. رئيس جمهورية أو بما يوازيها.. منوفى..
إلا أنا.. أنا الوحيد فى صحابى ومعارفى اللى كنت بلاقى مشكلة
مع السؤال ده.. لإننا ببساطة قاهريين.. أنا مولود فى المعادى.. وأبأبا
هو كمان زى حالاتى.. إنها.. كان لينا أصول من بعيد قوى من عيلة
«نيننا» من قويسنا.. وفى يوم من الأيام.. رجع أبأبا من الشغل وهو
عابس الوجه.. مكلضم.. طبعًا احنا بالقصور الذاتى اتجهنا لأطراف
المنزل نواحى البلكونات كده استعدادًا للانتحار فى حالة حدوث
أى هجوم من أبأبا والا حاجة لإن شكله محتاج يشرب من دم حد..
واحنا مغربين جدًا بسبب بلاويننا التى لا تنضب ولا تنتهى.. لكن
أبأبا أطلت النفير العام للاستدعاء فى المنزل.. وجمعنا كلنا.. حتى
أماما.. وفهمنا اننا عندنا فرح.. وطبعًا انا الجملة دى كانت بالنسبة
لى جملة مربوطة بذكرى بتصينى بحالة صرعية مميزة وممكن تراجع
اعتراف الفرحة فى الجزء الأول عشان تعرف حجم المصيبة.. لكن أبأبا
كمل كلامه عشان يوضح ان الفرحة ده.. فى البلد..

والناموس... وآثار الطعنات اللى فى صورة دمامل صاحية اللى
بيخلفها الناموس بعد ما بيقوم من فوق الضحية الممصوصة الخلصانة
زى علبة الكانز الفاضية.. التارجت بتاعى انا واخواتى كان محاولة
الحفاظ على لترين دم على الأقل فى جسمنا.. عشان القلب يمشى
بيهم حاله.. ونسيب الباقي للناموس عادى.. أنا شكيت لفترة طويلة
ان ده مش ناموس وانه مخلوق فضائى عايش فى الأرياف بعيد عن
عيون السلطات.. وخصوصاً لما لقيت ناموسة تقريباً مركبة خرطوم
وعاملة قسطرة لواحد قاعد معانا.. مش بتمص دمه.. هدومنا
ساعدتنا بشكل كبير اننا نحصر أماكن الطعنات بتاعة الناموس فى
الوجه والكفوف والقفا الحمد لله.. وفضلنا على كده شوية.. لحد ما
جه ممدوح..

ممدوح شاب لطيف.. فى سنى انا واخواتى كده.. أقصر مننا حبتين
تلاثة.. قرب مننا.. قعد جنبنا.. وكلمة من هنا.. على كلمة من هنا..
خرجنا نلعب مع بعض.. واحنا خارجين.. عم وجدى قاله:
- يا ممدوح.. خد ولاد عمك يغيروا هدومهم عشان يبقوا براحتهم
لحد الفرح بالليل..

وطبعاً.. رحنا مع ممدوح الأوضة بتاعته.. وادانا هدوم من عنده..
وسلم هدومنا للناموس.. وبقينا انا وممدوح واخواتى الاتنين اربع
جلاليب ماشية.. فى حرم الناموس.. مهما حاولت اشرح الناموس
عمل فينا إيه مش حيبقى واقعى جنب اللى حصل.. الخلاصة.. كان
انتقام..

ودى كانت أول مرة ألبس جلابية بيج.. وآخر مرة.. وبسبب
طول ممدوح القصير كانت جيبالى تحت الركبة كده ميني لطيفة..
فكرت ساعتها اركب دقن واعمل ملتزم فى القرية عشان الفضيحة..
إنما الجلابية البيج على الجزمة الكوتشى والشراب الابيض الطويل
لغت الأفكار دى من راسى تماماً.. ففكرت فكرة تانية.. ليه ما
اتجهش للفنون الشعبية واخرج على الأقارب بأغنية «كايدة العزال
انا من يومى أيوه آه»؟؟! لا بس الموضوع محتاج بروفات وحكاية..
هو عموماً مش ممكن حتفضح اكثر من كده.. وبعد عدة محاولات
مضنية.. أقنعونى بالخروج برة الدوار.. هو مش إقناع يعنى..
أنا خرجت من ضحك الأقارب على بوادر شعر رجلى اللى لسة بينبت
من تحت الجلابية.. ومحاولاتى المستمرة لسحب خراطيم الناموس
من العضلة الخلفية عندى.. كل الحلول اللى فكرت فيها وانا قاعد
معاهم كانت حتزيد الموضوع تعقيداً.. بشكير تحت الجلابية؟؟!.. لا
مش كويسة دى.. أولع فى الجلابية وفى نفسى انا والناموس والنار
تمسك فى الدوار ونخلص؟؟!!.. لا برضوا احنا ضيوف ما يصحش..
أخطف الواد ممدوح واطلب فدية بنظلون ألبسه؟؟.. ممكن ما
يرضوش يدونى الفدية وألبس أنا ممدوح.. المهم.. يثت وقلت
لنفسى هو يوم حاعمل فيه عبيط وابقى انا وعويس العبيط بتاع
القرية زمايل واسقطه من ذاكرتى للأبد.. الله يسامحك أبابا!!!!!!
خرجنا فعلاً برة الدوار والناس تبصلنا وتسال ممدوح مين

الزربية الى جنب الدوار دى نجيب الحمارة ونروح للدكتور نعمان..

- مين الحمارة دي؟؟ وبشتمها ليه؟؟

- لا الحمارة بتاعتنا.. الحمارة اللي بنركبها..

- الحمارة.....ارة.. آآآآه.. أيوه أيوه.. طب ومين الدكتور

نعمان؟؟؟

- ده الحكيم..

- حكيم القرية؟؟؟

- أيوه.. آآآآآآآآآآه

- كده يبقى شُفنا عبيط القرية.. وحكيم القرية.. وادعى ربنا

يصبرنا عليك بدل ما يبقى فيه قتيل القرية كمان..

طبعا عدنا لعضضة ديل الجلابية اللي بقى مبلول وابتدا يتمزج أكنه

طالع من بق كلب.. وشلنا بسلامته ووصلنا بيه الزربية وحطيناه على

الحمارة الحيوانة الجزمة القديمة.. واتحركنا خارج الزربية وهو سايق

الحمارة.. واحنا ماشيين بالجلاليب القصيرة جنبه.. وطول السكة وانا

سامع صوت خيالى بصدى فى ودنى بيرن ويقول:

« من ده بكرة.. بقر شيسيين »..

وصلنا لبيت الدكتور نعمان وخبطنا عليه.. وفتح عشان يلاقى

ممدوح على الحمارة بيتوجع.. شاله بسرعة.. ودخله جوة البيت..

وكشف عليه باهتمام..

- إنت حالتك وحشة قوى يا ممدوح ورجليك الاتنين وارمين..

ولازم نحطهم فى جبيرة أسبوع..

- جبيرة لا يا دكتور.. أبويا حي عرف..

- معلىش يا ابنى.. عندك تمزق جامد فى الأربطة ولازم تتجبر.. هو

أسبوع واحد يا ابنى أحسن..

- والنبي يا دكتور ابويا حيضربنى..

- لا لا لا مش حيضربك.. انا حكلمه ما تخافش..

طبعا انا واخواتى كنا بنشجع الدكتور تماما عشان يعمله جبيرة ولو

عم وجدى ما ضربش ممدوح احنا حنضربه لحد ما حنعدمه العافية

ان شاء الله.. وفعلا.. الدكتور اشتغل.. وحط رجلين ممدوح الاتنين

فى الجبس.. واتصل بعم وجدى اللي جاب أبابا وجه جرى واطمن

على ممدوح.. وأخذناه وروحنا فى الطريق للدوار.. وطبعا أبابا كان

ماشى جنبى..

- إيه اللي حصل يا حيوان؟؟؟ عملتوا إيه فى الولد يا بغال؟؟؟!

- أبابا أحبيى هو اللي عيل غبى.. بينط بالجلابية وقع اتكسر.. أنا

مالي؟؟

- كده بوظتو الفرخ اللي حيشتغل كمان شوية يا بنى آدم؟؟؟ ما

تستروش أبدا؟؟؟ مخلف بهائم؟؟؟

- أبابا احنا مالنا؟؟؟ والمصحف ما عملنا حاجة!!!

أبابا بصلى بصة قرف انا واخواتى.. وسبق بخطوتين جنب عم

وجدى الى ماشى يجز الحمارة الى راكب عليها هباب البرك ممدوح..

الاعتراف الثاني والعشرون طائر الليل السخيف

«الليل بديع جدا!!!»

ولا بديع ولا قرد... وخصوصًا اما تبقى ليلة مطينة بطين زى كل
ليلة بنشوفها واحنا بنربى عصافير فى البلكونة عندنا وكل ليلة يحصل
هجوم من نوع مختلف.. هجوم إيه؟؟؟

تعالى اتفضل اسمع بنفسك.. طبعًا بعد هذا الكم المفزع من
الاعترافات أصبح كل واحد منكم فاهم كويس قوى اننا أسرة
عاشقة مُحبة للحيوانات.. كل أنواع الحيوانات.. هوأيتنا الأولى انا
واخواتى هى تربية الحيوانات بكافة أشكالها وبجميع فصائلها..
ودى الحقبة اللى قررنا فيها نربى مجموعة عصافير استرالى لذيدة
بديل طويل وحلو.. والعصافير تصوصو.. واحنا نحط أكل ومية..
والعصافير تصوصو وتتجوز.. واحنا نطبل ونحتفل.. والعصافير
تصوصو وتبيض.. واحنا نفقس.. تطلع عصافير صغيرة تصوصو
وتكبر.. واحنا نتجوز وتبيض.. قوم هى تفقس.. وهكذا.. طبعًا..
كانت فى مشاكل مع كل نوع من أنواع الحيوانات بنربيه.. يعنى مثلاً..
الكلاب بتجرب.. القطط بتتحر شتقًا باحبال الغسيل.. السلاحف
بتخش الصدفة وتحلف بشرف أمها ماهى خارجة.. التعالين بتعض

وقاله:

- بص يا وجدى.. العيال ولادى حيقعدوا مع ممدوح فى البلد
الأسبوع ده لحد ما يفك الجيرة عشان ما يقعدش لوحده ويزهق..
وحاجى آخذهم الأسبوع الجاى والا انت مش عاوز تضاييفهم؟؟؟
- يا سلام؟؟؟ دول ينوروا البلد كلها.. وحيناموا مع ممدوح فى
الأوضة.. ده يوم المنى يا أستاذ عبدالعزيز.. ده يبقى أسبوع جميل
والله..

أحيه أبابا!!!!!! انت بتعزم عليه بسندوتش مورثة؟؟!! يوم
المنى؟؟؟ وننام مع ممدوح؟؟؟ ممدوح مين اللى انام معاه؟؟؟ قول
أسبوع رمى الجمرات يا ختا!!!!!! إزاي بلد من غير
ترعة؟؟؟ فىن أم الترعة اللى فى البلد دى عشان انتحر حا!!!!!!
ده الناموس حىخلص الدم ويخش على العضم يا ختا!!!!!!

صاحبت ناموسة أسبوع

دايمًا بنفكر ممدوح المشلول

اندب برجليك تهرب العدو

كبدى وقف فى زور ناموسة خنقها

حنص فى الزير عشان الناموس

الحيطة.. وتشده.. يقع على الأرض يتفترتكَ.. تيجى العصافير تطير في الضلمة.. شكرًا.. اوبن بوفيه عصافير للبومة..

واقفين انا و اخواتي.. نتفرج عليها.. ومش قادرين نتنفس نفس واحد.. وبهدوء شديد.. وهى ثابتة ثبات الجهاد.. حركت رأسها مية وتمانين درجة.. وبصت لنا..

بصت لنا وشافتنا من ورا الإزاز وشُفنا عينيها السوداء اللى ما فيهاش أى حياة..

وفجأة.. واحنا فى عز التسمر.. مش قادرين حتى نجرى نهرب من الرعب.. لو حد فينا سرّب مية حتى حنموت من الخضة..

صوت الرعد راح صارخ فى ودنا من على مسافة خمسة مللى متر.. - انتو ما نمتوش لسسسسسسسسسسس يا حيواناات؟؟

- يا ختااa

إنه أبابا..

أبابا الذى فقد أبناءه الثلاثة دفعة واحدة فى حركة زى دى.. البومة نفسها اتسرعت.. بطلت تيجى بعد الصرخة اللى صرختها انا و اخواتي.. لدرجة اننا كنا حنطير وراها فى البلكونة..

مشكلتنا الوحيدة ان مكانش فى خلاص بيبي يعمل.. ولا حتى دم.. نشف من الخضة..

طبعا البومة هربت بعد صوت الانفجار النجازاكي اللى كان فى الشقة من الخضة..

طبعا العصافير الباقية قطعت بيض من الخضة.. طبعا انا و اخواتى قعدنا ثلاث شهور نقوم بالليل من النوم مسروعين ونلف فى الأوضة واحنا بنصرخ ونقول: يا ختاااa

طبعا لسانى اتعوج من الخضة.. وطبعا طبعا طبعا.. بعنا العصافير لإننا مكانش عندنا أدنى استعداد مرة تانية ندخل فى تجربة رهيبة مع المخلوق المخيف ده.. لا مش البومة.. أنا أقصد أبابا..

يا ختااااااااااااااااااااااااااااااااااااااa
بومه_بومه_بومه
كلنا كدة_حاوزيك_بومه

الاعتراف الثالث والعشرون بهدية في عين الشحات

«عم سلامة»

لا ده مش صاحب العمارة.. ده الشحات المشهور بتاع المنطقة بتاعتنا.. اللي كان عامل اعمى.. وعامل اعرج.. وعامل نضافة.. ملك ملوك التسول في شارع مائة وثلاثة.. ومائة وأربعة.. ومائة وخمسة بالمعادى.. الراجل اللي نص أهالي الشارع دفعوله اكر ما دفعوا لعيالهم في المدارس تقريبا.. وعلى مر السنين نشأنا وترعرعنا واحنا بنشوفه في الشارع معدى مادد إيده ساند على نفس العصايا الخشب اللي ما بيغيرهاش.. بيحاول يزك برجله زكاة كانت بالنسبة لنا غير مقنعة على الإطلاق ويحاول يدعى إنه يا عيني ما بيشوفش وهو مخلى باله من كل حفرة موجودة في الشارع.. وكنا بنفكر نبتدى ننصحه بيانه ياخذ دروس في التمثيل عشان يبقى مقنع أكثر.. إنها هو مكانش عنده وقت للكلام الفارغ ده وكان بيستثمر وقته في الشحاتة.. طبعا كان شكله مصطنع وأوفر قوى قوى.. حقيقى يا جماعة مش قلة رحمة مننا.. انها هو كان مفقوس فحت.. إنها يا مؤمن.. ما تفهمش إيه سر اهتمام الناس بيه.. وليه رغم السنين دى كلها بيدوله فلوس.. وأولهم وعلى رأسهم.. رئيس اتحاد المقاولين العرب اللي مخلفنا.. أبابا..

- عم سلامة في راجل في أول شارع مية واربعة كان يبسال عليك..

- مين ده يا ابني؟؟

- واحد عاوزك..

- بس انا تعبان.. ومش بقدر امشى.. ومش بشوف..

- عم سلامة انت حفظت الشوارع اكثر من هيئة المساحة ارحم

أمى..

- آ.. آ.. طب طب عاوزني ف إيه؟؟

- آآآآه.. لا والله مش متأكد.. بس هو كان معاه فلوس في إيده كده

وبيدور عليك.. مش عارف انا الصراحة عاوزك ليه.. سلام بقى..

- فلوس؟؟؟؟ طب انا حاجي وراك على طول..

وطبعًا.. عرفت انا العب على وتر عم سلامة.. وسبقت على

البيت.. وطلعت وفتت في البلكونة انا واخواتي..

وانور واقف في الشارع حسب الاتفاق..

ووصل عم سلامة اللى جاى بيعرج.. بس المرة دى العرجة كانت

مستعجلة..

ووقف في أول الشارع.. يبص يمين.. يبص شمال.. واخذ بالك

انت؟؟ وهو أعمى في الأساس..

وبعدين بص لأنور اللى واقف ساكت ما نطقش.. وسأله:

- ما شفتش راجل كبير كان واقف هنا يا ابني؟؟

- كان في راجل هنا معاه فلوس في إيده.. وراح يشتري حاجة

وقال انه راجع تانى..

كانت الخطة هي تعطيل عم سلامة لحين موعد عودة أبابا من

الشغل.. ومفيش خمس دقائق وأبابا وصل فعلاً.. وركن العربية..

ونزل منها..

وشاف عم سلامة.. حط إيده في جيبيه.. يا ختآآآآآآآآآآآآآآآآ

ده حيديله فلوس تانى.. الرحمة أبابا.. حنموت من الجوع فوق

احنا هنا.. هات الفلوس دى نتصور معاها طيب!!!!!!

كانت لحظة الصفر تقرب.. أبابا يقرب من عم سلامة.. وعم

سلامة ابتدا يبريش مظهرًا أكبر قدر ممكن من العمش الكاذب ووشه

للسماء قال يعنى مش شايف..

وهوووب.. الجزء الأول من الخطة رقم سبعة واحد سبعة ميتين

واربعناشر..

أنا واخواتي.. طلعتنا من جيوبنا بُمب من بتاع العيد.. وحدفناه

جنب عم سلامة..

كان الجزء الأول من الخطة واضح.. البُمب الكثير حينفجر..

عم سلامة حيثخض.. حيحاول يتراجع.. حيبان انه مش بيعرج

وشايف.. أبابا يفقسه.. يمنع عنه المصروف.. ونفوز احنا بيه..

وفعلاً.. البُمب كله نزل جنب عم سلامة.. قبل ما أبابا يوصله

بخمسة متر بس..

بووووم.. بووووم... بووووم..

الاعتراف السادس والعشرون باسكت روبنظ..

الجيلاتي.. الحبُّ الأوَّلُ في أيام الصيف الجميلة وأيام المصيف الأجل.. لما كنا نروح نصيف في المعمورة كان لازم انا واخواتي نعدى في السوق القديم وناخذ الجيلاتي اللي نازل من المكنة ام دراع على البسكوت ابو ربع جنيه ده اللي مليون آيس كريم لبن طازة من أروع ما وصل اللسان من تذوق.. وفي سنة من السنين.. قررنا انا واخواتي اننا كبرنا السنة دي.. آه فجأة كده حسينا اننا كبرنا.. ولبسنا بناطيل قماش على الجزم الكوتشى عادى.. وانطلقنا بعد العصر قبل ما نقابل صحابنا بالليل.. ورُحنا عشان ناكل آيس كريم بس المرة دي مش من السوق القديم.. المرة دي كانت من السوق الجديد.. من عند المحل الأروع في العالم طبقاً لشهادة الشهود في هذا الوقت.. باسكن روبنظ.. وطبعاً.. دي كانت المرة الأولى اللي ندخل فيها المحل.. ودي كانت المرة الأولى اللي نقعد فيها على طرابيزة عشان ناكل آيس كريم.. واضح انهم بيهتموا بالآيس كريم جامد هنا في الباسكن روبنظ ده.. مفهوم مفهوم.. إحنا في غاية السعادة..

- عمو عمو عمو عمو

- أيوه يا حبيبي تحبوا تطلبوا إيه؟؟

- إيه الاصفر ده؟؟؟

- آيس كريم موز..

- إيه ده معقول؟؟؟ انتو عاملين آيس كريم موز؟؟؟

- آه طبعا احنا باسكن روبنز..

- طب الاحمر ده؟؟؟ فراولة؟؟؟

- لا ده آيس كريم بطيخ..

- يا خبر اسوح.. معقول؟؟؟ عاملين آيس كريم بطيخ؟

- آه طبعا احنا باسكن روبنز..

- طب في عندكم آيس كريم جرجير؟؟؟

- إيه؟؟؟ جرجير؟؟؟ لا طبعا!!!

- غريبة!!! مع إنكم باسكن روبنز يعنى..

طبعا الراجل ادانى فيس باسكن زباله بسبب استظرافي.. لكنى

كنت واثق الخطوة يمشى ملكا..

انا واخواتى طلبنا ثلاث بولات آيس كريم.. كل واحد بولة..

وعمو بتاع باسكن روبنز كان كريم جدا معانا حقيقى..

- تجبوا يا اولاد صوص شوكلاتة؟؟؟

- السوس ده يا عمو احنا بنرميه واحنا بننقى الرز!!

- لا يا حبيبي صوص.. مش سوس..

- حلوه ده يا عمو؟؟؟

- تحفة..

- خلاص اعمو.. حطلنا سوس..

- طيب تجبوا بقى مكسرات على الشوكولاتة؟؟؟

- إيه ده؟؟؟ هو انتو عندكم مقلة لب وسودانى هنا كمان؟

- مقلة إيه؟؟؟ مكسرات فسدق وبنديق وعين جمل..

- آه آه آه.. طيب ماشى يا عمو ده شكله حيقى طعمه جنان

الآيس كريم ده..

وطبعا وبراءة الأوباش في أعيننا انا واخواتى وبنطلوناتنا بتعلن

عن مدى جهوزيتنا للانتقال من مرحلة المراهقة إلى مرحلة الشتفة..

أخذنا الآيس كريم وقعدنا على الطرابيزة.. ونزلنا حتتك بتتك

عليه.. حقيقى كان رائع.. حقيقى كان مميز بكل الإضافات الى عمو

الله يعمر بيته حطها على كل بولة من بولات الآيس كريم الثلاثة..

وطبعا قعدنا انا واخواتى نتريق على آيس كريم المكنة اللي في السوق

القديم.. ونقارنه بالحقبة الزمنية الجديدة للآيس كريم ذو الإضافات

العسلية.. وقعدنا نتريق على الآيس كريم ابو ربع جنيه.. واننا اهو

أكيد يعنى حنزود بتاع خمسة وسبعين قرش وحناكل حاجة محترمة..

الفرق أكيد مش حيكون كبير يعنى.. المهم احنا دلوقتي رجالة

ولابسين ساعات كاسيو جلد في إيدينا وقاعدين قعدة محترمة..

المهم.. بعد ما خلصنا طفح.. قصدى أكل.. كان لازم نقوم بقى

نحاسب ونمشى.. ولأنى الكبير.. قمت انا الأول ورحت للكاشير

عشان احاسب زى أى شاب شنف..

الاعتراف السابع والعشرون بامبرز روكي..

بداية علاقتي بالكلاب كانت معقدة.. أيوه فعلاً..

It's complicated

يعني أنا واخواتي محدش فينا فجأة كده اتولد بيخاف من الكلاب.. إنما الممارسات الخاطئة للعملية الانتخائية.. أقصد عملية التربية الحيوانية.. كانت دائماً بتسبب مشاكل مع الحيوانات اللي بنختارها للرباية.. وأحيان كثيرة كانت برضه الظروف والصدف اللي ما بتحصلش غير مرة كل أول كوكب بتحصلنا.. سبب في عقدتنا مع الحيوانات المختلفة. زى مثلاً المرة اللي اتفقنا فيها نربي كلب صغير في البيت.. طبعاً اللهب اللي طلع من حنجرة أبابا لما عرضنا الفكرة عليه في البداية كان كفيف إنه يشوى مزرعة فراخ شامورطى.. لكن بعد ما دخلنا من ثغرة أماما.. مع تقديم الوعود بحبس الكلب في البلكونة.. مطعّمة بجمل من عينة:

«ده كلب صغير أماما»..

«قولى لأبابا اننا مش حنساله الجميل ده طول حياتنا»..

«ده كلب عنده ثلاث شهور ومش بيطلع صوت أصلاً»..

«ده حجمه لا يتعدى كف اليد وشكله أمور قوي»..

وطبعاً روبنز قعد يعتذر لأماما كثير وأماما بتبهده واحنا ماسكين في هدومها ومش عاوزين نروح القسم..
وفي النهاية.. أماما دفعت اربعة وعشرين جينه بعد ما عمو باسكت الزبالة شال تمن الإضافات اللي على الأيس كريم واللي كانت أغلى من الأيس كريم نفسه..

وخرجنا من المحل وأول سؤال سألتناه كان للحيوان الصغير:

- إنت إيه اللي أخرك ده كله؟؟؟

- رحنت لقيت أماما نايمة.. نمت جنبها..

- نمت جنب امك وسايبنا حتتباع في سوق الرقيق يا ختاللي

وهاتك يا ضرب في الشارع..

هدوا المحل ده بعد كذا سنة

بوسنا ملكة الأيس كريم اللي في السوق ده بقعا

طبعًا مبدأ الزن على الودان أمر من السحر حقيقى بالفعل..
وبعد ما أبابا مضانا على كمبيالات على بياض عشان يجبس أى
واحد فينا يفكر للحظة انه يرجع فى كلامه بخصوص التزامات
ومحظورات تواجد الكلب فى داخل البيت.

كلمنا صحابنا الى عندهم الكلاب المولودة حديثًا وجبنا منهم
الكلب.. كلب صوغنن كده كميل خالص لونه بنى.. فى أول يوم
جبناه الصبح.. كان أبابا لمسة كالمسحوق وطبعًا الكلب أول ما
دخل الشقة.. اختار السجادة بتاعة جهاز أماما وزالغ عامل عليها
نامبر تو بدون تحذير.. وبين مداولات مسحها بسرعة قبل ما أبابا
يرجع ويمسح أسامينا من على وش الأرض وبين مداولات دور مين
الى حيثدى البداية الجلفدى.. تقدمت المصروف بكيس نايلون..
وانهيت العملية فى هدوء.. لكن أبابا لما رجع ودخل الشقة.. سأل
سؤال غريب قوى:

- إيه الريحة دى يا حيوان؟؟؟!!

- ريحة إيه أبابا؟؟؟ احنا مش شامين حاجة «ساحنا يا رب»..

- يا حيوان انت وهو فيه ريحة زفت!!

- فىن دى أبابا؟؟؟ يمكن جاية من المنور أو انت دُست على حاجة

وانت جاي من الشارع مثلاً!!

- جايز!! ريحة مقرفة قوى.. حاجة تقرف..

طبعًا احنا مكناش لحقنا نمسح مكان الكلب للأسف.. واتصرفنا

fb/Sa7er.Elkotob

بعد كده بالميه والصابون.. وطبعًا أبابا شاف الكلب فى البلكونة..
وده أول يوم له فى البيت معانا.. وأعجب بيه على غير المتوقع.. لأنه
صغير جدًا.. وعطف عليه.. واعتقد انه فكر للحظة يسرب حد فينا
ويربى الكلب لكن أماما منعتة عشان مش حتلاقى حد يجيبلها عيش
من الفرن.. وقعدنا بقى بعد الضهر.. نفكر فى اسم للكلب..

لاسي؟؟؟ لا ده دكر..

زنجر؟؟؟ لا التانى اسمه مازنجز.. مش زنجر..

رعد؟؟؟ كان واقف جون لكابتن ماجد ومش فاضى..

روكى..؟؟ انضرب فى الفيلم لما ما بقاش شايف بعينه وسحبوه

على باب السيدة نفيسة ويشحت دلوقتى.. انما برضه كان مقاتل

لآخر لحظة..

حلو «روكى»

روووووووووووووى..

طبعًا ليلة روكى الأولى فى البيت.. كانت زى الى حصل على

السجادة بالظبط.. زفت..

روكى حس بالوحدة فى البلكونة... وخاف من الضلمة.. وابتدا

يعيط بقى..

اعووووو.. اعووووو.. اعووووووووووو

الساعة بقت اتناشر بالليل

اعووووووووووو.. اعووووووووووو

واحدة بعد منتصف الليل..

اعوووووووووووووووووووووووووووووو

الثانية صباحًا..

اعوووووو «يا حيوانات يا بهائم في إيه؟؟؟»..

لا ده كان أبابا مش الكلب.. الى صحى على صوت الكلب الى مصحى الميدان كله.. واحنا قاعدين جنب باب البلكونة مش عارفين نسد صوته ازاي.. لدرجة اننا فكرنا للحظة نسمة.. بس كنا لسة جايبينه.. ف قلنا نستنى بكرة.. طبعًا أبابا مكانش منزعج من الكلب.. ولا مننا.. انها كان همهم الأول والأخير الناس الى عاوزة تنام.. ومش حتعرف تنام بسببنا..

- سكتوا الكلب ده يا حيوانات منك له له..

- أبابا نسكته ازاي؟؟ احنا بقالنا اربع ساعات قاعدين جنب البلكونة لما جالنا الدوالى من القرفصة!!
- اتصرفوا!! انتم مش جايبينه وعاملين مسئولين؟؟؟ لازم تتصرفوا..

- طيب أبابا احنا حنشوف صرفة خش انت نام..

- هو حد حيعرف ينام فى الدوشة دى يا حيوان؟؟ شوفوا بسرعة صرفة للقصة دى..

- حاطر أفنظم..

وطبعًا فتحنا البلكونة.. ودخلنا قعدنا مع الكلب فى انصاص

الليالى.. وهو شعر بالطمأنينة معانا فى البلكونة... واحنا كمان شعرنا بالغضروف فى ظهرنا بيتقطع من السندة على الحيطه.. لحد ما روكى اتخمد.. واتسحبنا من جنبه زى السحالى بعد ما كان النور شقشق كده.. ودخلنا السراير عشان ننام والتعب مبهدلنا.. هما ساعتين..

اعوووووووووووووووووووووووووووووو

طبعًا أبابا مكذبش خبر..

- اصحوا بسرعة حرام عليكم.. روكى بيعيط.. شكله جعان..
- روكى مين أبابا؟؟؟ تلاقيه بيعيط من الوجع بعد العلقه الى أكلها فى الفيلم سيينا ننام..

- روكى الكلب يا بنى آدم... ما اكلش من امبارح بالليل..

- اديله أى حاجة من التلاجة أبابا احنا مش قادرين نفتح عيننا..

- قوم فز منك له شوفوا مسئولياتكم..

- أبابا بطل تكلمنا على إننا وزراء التموين والكهربا والبيئه.. سيينا ننام ساعة..

- قوموا شوفوا معاد أكل الكلب.. حرام عليكم..

- أبابا محدش بيخطر الساعة سبعة الصبح حرام عليك انت..

- ياللا ياللا بلاش كسل.. قوموا بقول احسنلكم..

وطبعًا مع شعور الغممان من قلة النوم.. والصداع الرهيب من

النوم متأخر.. أو عشان نكون اكثر دقة النوم الصبح بدرى.. اتحركنا

زى السكارى على أنغام اعوووووووو

دى .. اللى كان مننا لقبه أبو فوطه .. واللى كان مميز بلقب ابو الأكياس ..
والتالت بتاعنا الصغير .. كان ابتدى يتعود على اسم كوكو جرادل ..
روكى ابتدا يسبب لنا حالة من عدم الاستمتاع تمامًا .. وابتدا فى نفس
الوقت يتعلق بينا جامد .. كل ليلة بمجرد اننا نطفى نور الصلاة عشان
ندخل ننام .. تبدأ وصلة الأعوووووووووووو ..
نقوم من السرير ونقضى نص الليل فى البلكونة .. لحد ما السواد
ابتدا يترسم تحت عيننا وبقينا شبه المدمنين من كتر السهر وقلة النوم ..
ريجة البيبى بقت الريجة المفضلة عندنا .. زى الهيو جو بوص كده ..
أبأبا ابتدا يعاقبنا عشان مش واخدين بالننا من روكى .. واحنا كنا
بندافع عن نفسنا بأننا مش ملاحقين على مسح البيبى مش أكثر .. أماما
هددت بأننا لازم نخلى بالننا قوى من أكلنا .. مش عشان ما بناكلش
كويس .. لا .. خالص .. انما عشان هى حلفت انها حتحطلنا كلنا
سم فى الأكل عشان تخلص مننا ومن روكى .. روكى بعد أسبوعين
ابتدا يكبر شوية .. وابتدا ياكل أكثر .. وابتدت بطنه توسع .. وابتدا
حجم المسح يكثر .. ابتدا الحموم بتاعنا يزيد .. كلنا بنستحمى بشكل
غير مفهوم .. الكلب كان عنده كمية ميه تكفى جيش من السيقان ..
معدوش رحمة .. شباشب البيت كلها باظت من الغسيل .. وشعر
رجلنا جميعًا وقع من كتر الدعك بالليفة والصابون .. أبأبا قرر يبعد
عن روكى رغم حبه ليه .. الصلاة أهم .. وأوضته خط أحمر .. لو
روكى دخلها .. احنا حنخرج من الشقة خالص .. ابتدينا بقى نفكر

ازاى ممكن نتخلص من روكى ... مين حيرضى ياخده مننا؟؟؟
كلمنا اصحابنا الى جنبنا من عندهم .. رفضوا تمامًا وكانوا عاوزين
يدونا كلب كمان .. بس احنا رفضنا عشان وقتنا مش حيسمح بمسح
الكمية دى كلها .. لجأنا لأماما اللى قالت بكل وضوح:
- آخر الأسبوع ده انا حسيب البيت واطفش ومش حتعرفولى
طريق لحد ما الكلب ده يمشى من البيت ..
على أساس ان روكى لو مشى احنا حنعرف نلاقيكى يعنى؟؟؟
ماشى أماما .. خليكى فاكراها .. طبعًا الوقت بيحاصرنا .. البيبى
بيحاصرنا .. قلة النوم مجتانا .. أبأبا طول الوقت متهمنا بالتقصير ..
أماما حتطفش .. روكى مستمتع بالبيبى واحنا شاكين انها بقت هوايته
المفضلة .. ومحدث راضى ياخذ روكى من عندنا .. لحد ما جالنا واحد
صاحبنا فى يوم ... وشاف روكى .. حب روكى جدًا .. لعب معاه ..
روكى وقف وحط إيداه على رجل صاحبنا ده .. وسقى رباط جزمته ..
صاحبنا محمش عشان كان لابس جزمة .. انها عجبته روكى قوى
قوى ..

- طب ما تاخذ روكى يومين تخليه عندك ..

- إيه ده؟؟؟ ينفع؟؟؟

- آه طبعًا .. هو احنا مش صحاب؟؟؟؟

- آه طبعًا .. بس لدرجة انكم تدونى الكلب بتاعكم يومين!!؟

- طب والله العظيم لنكون مدينهولك أسبوع .. هاه ..

وطبعًا يعقب نداء الاستغاثة ده.. التحذير الأول والأخير الصادر
من المدرعة الحربية اللي ربتنا.. أبابا حبيبي.. تحذير صادر في صورة..

- يا شريسيسيسي

- أفنظم أبابا..

- كفاية لعب بالعجين يا حيوان..

- أبابا احنا بنلعب بالعجين عشان جعانيين..

- اخرس يا حيوان..

- حاطر أبابا..

وتبدأ الليلة في أخذ منحني جديد تمامًا بعد الانتهاء من عمائل
الكحك..

- يا شريسيسي

- نعم أماما..

- انزل روح الفرن بسرعة..

- ليه؟؟ حبيب عيش؟؟ مش عاوزين عيش أماما.. حناكل
الكحك حاف..

- يا ابني ما تتعشب قلبي.. عاوزين صاجات..

- حنتحزم ونرقص احتفالًا بالعيد انا وخالاتي.. صح؟؟؟
لولولولولولولي..

- عوض عليّ عوض الصابرين يا رب.. صاجات عشان الكحك
يا زفت..

- آآآآآه.. الكحك.. مش تقولى من الأول.. لا أماما.. مش نازل..
وطبعًا تقعد أماما تتحايل عليّ انا واخواتي ننزل نجيب اربع
صاجات من الفرن عشان نرص فيهم الكحك ونوديهم الفرن
تاني بسرعة لإن دى ليلة العيد والدنيا حنترحم.. واحنا رافضين
كل محاولاتها.. إلى أن تلجأ كالعادة إلى استخدام حق «النفص»..
«فينو».. سلت الشبشب مع أخذ وضع التأهب من الدرجة الثالثة..
مما يترتب عليه انسحاب عشواتي ليا انا واخواتي من أرض المعركة
مخلفين ورانا خيبة بنوية.. رضخنا طبعًا تحت ضغط «دكتور شول»
ووصلنا للفرن.. ورحت للفران..

- لو سمحت.. لو سمحت.. لو سمحت..

- أيوه يا ابني عاوز ايه..

- أربع صاجات لو سمحت..

- طيب أربعة جنيه يا ابني..

- لا انا مش حشترهم.. انا حأجرهم..

- أيوه ما انا عارف.. ما هو ده رهن ليهم..

- آآآآه.. عقبال ما أرجع الفارغ يعنى..؟

- نعم؟؟

- ولا حاجة.. هات الصاجات.. الفلوس اهي..

ناخد الصاج ونروح بيه البيت جرى.. لأن التهديدات اللي تلقيناها
إذا حصل أى تأخير كانت مرعبة.. خصوصًا مع ذكر احتمالية اللجوء

إلى إبلاغ قوات الصاعقة التي قاعدة معانا في البيت - أبابا - بعمل
إنزال للحزام الجلد على ضهورنا ليلة العيد مع فرض حصار اقتصادي
رهيب على البسكوت التي بالبرتقال ووقف المساعدات العيدية..

والحمد لله.. وصلنا بالصباح للبيت.. ورضينا فيه الكحك
والبسكوت.. وبدأنا مرحلة العودة بالصباح المحمل للفرن.. لأول
مرة في حياتنا.. كل واحد شايل صاجة على دماغه.. ما عدا أنا..
شايل صاجتين لأنى الكبير بقى وبتاع.. وماشين في الشارع انا
واخواتي في منتهى الحذر.. لأن التهديدات التي جاتلنا في حالة
فشل العملية.. يصعب تحمل مجرد ذكرها.. سادية تامة.. بقايا ظباط
الجستابو القابعين في أركان المنزل عندنا.. مستنين هفوة.. وخلع
الضوافر حيقى مجرد زغزغة بالنسبة لى حيحصلنا..

ولكن.. ليلة العيد.. واضح انها مش حتعدى على خير.. أبدا..
وصلنا الفرن.. ويا ريتنا ما وصلنا الفرن.. جحافل من البشر..
الكل بالصاجات.. وهاتك يا رقص.. قصدى هاتك يا هرس..
الكل عاوز يدخل الصاج بتاعه الفرن الأول.. وواقفين في طابور..
عدد الناس التي فيه أكبر من عدد الكحك التي في الصاج نفسه..
يا دى الليلة التي مش فايته يا ربى.. أخذنا دورنا في الطابور..
واحنا شايلين الصاج على دماغنا.. وراسى خلاص ابتدت تصلطح
من ثقل الصاجتين.. وبعد ربع ساعة.. لقينا واحد بيسأل التي جنبه:
- عدت على الصاجة بالطباشير كويس؟؟

- آه طبعا..

- آه الله يكرمك مش عاوزين نندبح زى الراجل بتاع الضهر..
صمت مطبق.. أنا واخواتي.. نظرات متبادلة.. تدل على إننا مش
حنقدر نعرف مصدر الميه التي تحت دى عبارة عن عرق؟؟؟ والا
بيبى من هول الصدمة.. دقيقة واحدة.. وأعصابى فلتت خلاص..
وقررت استفهم..

- لو سمحت لو سمحت لو سمحت..

- نعم؟؟!!

- ممكن معلش اعرف موضوع الطباشير التي بيدبحوا عشانه
الناس ده؟؟

- الصاج لازم يكون مكتوب عليه اسم صاحبه بالطباشير من
تحت عشان الناس تعرف حاجتها.. لأن كل عشرين صاجة بيخشوا
مع بعض الفرن مرة واحدة.. ويحصل لخبطة زى ما حصل النهارده
وواحد ضرب التانى سكينه في رقبتة عشان الصاجة..

- مممم.. ممكن أحيه؟؟؟

- نعم؟؟

- أقصد ممكن طباشير؟؟؟

- لا معايش.. شوف حجر من الأرض واكتب بيه على الصاجة
من تحت..

خرجنا أنا واخواتي من الطابور.. واحنا شايلين الصاج نملا

الاعتراف الثلاثة عزوز العصفور ..

عزوز.. هو ده الاسم اللي اخترناه للعصفور «الفيشر» اللي اشتريناه
انا واخواتى من سوق السيدة عائشة عشان نربيه فى البلكونة.. طبعا
لا يخفى عليكم فى كل الاعترافات السابقة اننا أسرة محبة للحيوانات
بشكل مبالغ فيه.. ما بنقدرش نعيش من غير ما نتحمل مسئولية
حاجة صاحبة فى البيت.. وده على أساس ان كل سكان البيت
زومبيز.. موتى أحياء من كمية الكوارث اللي بنعملها وبتبقى سبب
فى نشفان الدم وضمور المشاعر على أبابا وأماما بشكل دورى.. جارنا
اللى فى البلكونة المواجهة لينا فى الميدان كان حافز كبير لينا اننا نتجه
لتربية العصافير دى بصراحة.. الراجل عنده بلكونة كبيرة مليانة
اقفاص عصافير والعصافير بتكثر ما شاء الله.. وأنواعها مختلفة..
منها الفيشر ومنها الكوكتيل ومنها الكناريا ومنها الاسترالى ومنها
الزيبيرا.. أنواع وأنواع من العصافير الجميلة اللي بتملا كل جزء من
أجزاء بلكونة جارنا وخلتتنا نفكر نربي عزوز.. المرة دى.. كان عزوز
جميل.. طائر رائع بكل المقاييس.. لونه أخضر.. ومنقاره أحمر.. وديله
أحمر.. من فصيلة بغبانات الفيشر المعروفة.. أو زى ما ناس كثير
تعرفها بالإنجليزى love birds طبعا عزوز كان وحيد.. مش لأنه



fb/Sa7er.Elkotob

عنده عقدة وواحدة ضحكت عليه في التليفون.. ولا لأنه مش لاقى قفص يفرشه ويروح يخطب صالوناتى.. ولا حتى مستنى يسافر يكون نفسه في الخليج.. عزوز كان وحيد عشان احنا معناش فلوس نجيب لعزوز عصفورة.. ولسة حنستنى الشهر الجاى وننزل تانى نشترى لعزوز عصفورة جميلة.. تخرب بيت اللى جابه وتنكد عليه نكد طائر الرُخ عادى.. عموماً هو يستاهل كل خير.. طبعاً الفلوس اللى كانت معانا يا دوب جابت عزوز بعد اختيار وانتقاء مننا قصاد القفص الكبير اللى في السوق لمدة ساعتين عشان نختر أكثر العصافير تميزاً.. من ناحية الصحة والشقاوة والتنظيط والتصفير وكدة.. وكللنا جهدنا بأننا قلنا للراجل بياع العصافير:

- عمو عمو عمو.. إحنا عاوزين الشيطان اللى طائر في القفص ده.. أيوه ده..

وكان اختيار عزوز موفق فعلاً.. ركبنا القفص في البلكونة وحطينا الميه والأكل.. وسيبنا عزوز عشان يتعرف على المكان المكشوف على الميدان من البلكونة.. بقى هو يصفر.. صاو صاو صاو صاو.. وعصافير جارنا ترد عليه.. صاو صاو صاو صاو قوم هو يصفر.. صاو صاو صاو

قوم عصافير جارنا ترد عليه.. صاو صاو صاو وهكذا لمدة يومين ثلاثة.. اما الصداق كان حيفرتك الترنك.. وحيفرتك دماغنا وسط محاولات بائسة من أبابا انه ينام لكن عزوز

إلهى ينشل في لسانه ما يبطلش صاو صاو صاو طول ما فيه أى أثر للنور موجود.. يعنى حتى لو الدنيا ليل.. وحضرتك قاعد في المقصورة.. وعلى إيدك اليمين أباجورة منورة.. صاو صاو صاو حتى مطلع الفجر.. وهو حيكمل من الفجر بقى.. أما لو معاليك قاعد في مدرجات الدرجة الثالثة وعلى شمالك نور الحمام واصل لحد حرف البلكونة.. صاو صاو صاو لحد ما تحدف لمبة الحمام بالشبشب تجيبها في البانيو.. ولو كنت في البلكونة ولسة داخل وفي إيدك سوجارة.. يكفى أن تعلم أن نور السوجارة حيخلي عزوز يصاو صاو صاو لحد ما تطفى السوجارة في عينك عشان يخرس.. الحياة كانت شبه مستحيلة مع عزوز.. هو غالباً حاسس بالوحدة عشان معهوش وليفة.. وعمال ينده على عصافير الجيران.. أو انه بيعاقبنا بقى بشكل أو بآخر بمنعنا من النوم زى ما الزينى بركات كان بيعمل في الناس كده.. إحنا طبعاً توصلنا إلى طريقة بعد السؤال وبوس الرجلين لكل مربى عصافير.. طريقة تخلى عزوز يفصل شوية.. وده واحنا بنسأل:

- لو سمحت.. عزوز بيصاو صاو صاو بلا انقطاع..

- عارفين تفصلوه ازاي؟؟

- نشيل بطاريته.. صح!!!

- بطرية إيه؟؟!!!

- يا عم انطق.. نفصله ازاي حيموت الميدان كله..

- غطوا القفص بعد المغرب..

- أبابا أحبيبي سلامة نظرك.. عزوز في البلكونة..

- بقولك شفته طائر من البلكونة يا حيوان..

- ده تلاقيه بس تهيئات من اللى بنعمله فيك أبابا..

- اخرس.. انا عارف انا شفت إيه..

- طب أبابا.. طالما مصمم يبقى اللى تشوفه معاليك..

- هو العصفور بتاعنا يا حيوان..

- خلاص أبابا هو راح يجيب عيش ورجع..

- بتقول ايه يا حيوان؟؟؟!!!!

- لا أبابا بقول: «وات ايفريو ساي»..

بعدها بكام يوم.. كنت راجع من مشوار في الشارع.. وفجأة لقيت

جارى اللى عنده العصافير.. بيمسكنى من دراعى وبيسأل بلهجة
حادة:

- شريف.. ما مسكتش عصفورين فيشر قريب؟؟ طاروا من
عندى..

- طاروا من عندك؟؟؟ آآه.. دول أكيد العصافير اللى انا وأبابا
شفناهم طيرين من كام يوم.. الله يعوض عليك.. لا والله انا آسف
ليك..

- لا دول عصفورين غير اللى طاروا من عندى برضو من كام
يوم.. انا كده ضايع منى ٦ عصافير..

- يا لهوي!! أحيه.. ست عصافير ضاعوا ازاي؟؟ ما تقفل عليهم

كويس..

- مش عارف ايه اللى حصل.. مش عارف..

طبعا الراجل كانت الدموع مالية عنيه.. وهو شقاه راح منه
وعصافيره طارت.. وانا بينى وبين نفسى حطيت نفسى مكانه.. يااه
لو عزوز اللى طار.. فعلا حابقى حزين جدا.. ده انا احتمال ما اجيبش
حاجة تانية اربيهها لمدة اسبوع مثلا.. تانى يوم.. جارى العزيز.. وانا
راجع للبيت.. لقيته بيستوقفنى تانى.. بس المرة دى بغاوة بقى:

- شريف.. وانا راجع من الشغل.. شفت عصفور خرج
من بلكونتى ووقف على القفص عندك.. لو سمحت.. ارجوك
امسكهولى..

- وقف عندى؟؟؟ يمكن أكيد عشان عزوز.. حاضر.. حشوفه
حالا..

جرى على السلام.. جرى على البلكونة.. عزوز جوة القفص
ومفیش دبانة حتى فى البلكونة.. بصيت له من البلكونة وصرخت
وفى الخلفية صوت الصاو الصاو صاو لا ينقطع من عزوز الكلب..
- مفیش حاجة فى البلكونة خالص والله..

- ازاي؟؟؟؟ بقولك انا شايفه وواقف مراقب البلكونة.. ومفیش
حاجة خرجت منها لحد دلوقتى.. انا متأكد

- يا باشا انا واقف اهو.. مفیش حاجة عندى..

- انا متأكد بقولك.. يعنى إيه مفیش حاجة؟؟!! ده عاشر عصفور

يضيع منى في أسبوع!!!!

- يعنى هو انا باعمل عليهم ملوخية يا عم انت.. اهو.. مفيش حاجة غير العصفور بتاعى!!! تحب تطلع تشوف بنفسك؟؟؟
طبعا الراجل كان ناقص يتف علي من تحت.. وحسيت انه عاوز يتهمنى بشكل مباشر انى حرامى عصافير وصيدا بغبغات مُحَنَك وعندى خبرات عظيمة فى اقتياد الطيور الى اماكن نائية ومهجورة ومساومتهم تحت تهديد السلاح انهم يخنفوا مثلاً!!!!
وأثناء انشغالى بالتفكير فى قصة عصافير الراجل المختفية وكان الميدان تحول الى مثلث برمودا صوغنن..

لقيت أبابا بينده علي كالعادة:

- يا شريسيسيسيسيسيسيسيسي

- انعم أبابا!!!!!!!!!!!!!!!!!!!!!!

- شوف يا حيوان.. أنا بقالى أسبوع براقب من بلكونتى البلكونة الثانية لأنى متأكد من اللى شفته يا حيوان.. الساعة ٥ بعد العصر كل يوم.. العصفور بتاعنا بيطير من البلكونة.. ويروح يقف على قفص من الاقفاص اللى فى البلكونة اللى قصادنا.. ويفتح الباب بمنقاره.. ويدخل ياكل ويشرب ويطير العصافير.. ويرجع تانى القفص عندنا والراجل صاحب العصافير لسة ما رجعتش من الشغل..

- أبابا احببى ده مش فان ديزل.. ده عصفور.. غير عاقل.. أنا قايلك كتر الفرجة على المصارعة الحرة حتعمل مشاكل بس حضرتك مصمم..

- اخرس يا حيوان.. انت مش حتتحرك من البيت بكرة..

- ليه كده بس أبابا!!!! بتعاقبنى لسيسيسيسيه!!!

- يا حيوان.. حتقعد بكرة من الساعة ٣ قصاد البلكونة وتشوف من ورا الإزاز اللى بيحصل.. عشان تتأكد من اللى انا بقوله.. فاهم؟؟؟؟؟؟؟؟

- أبابا انا مش فاضى لشغل ناشيونال جيو جرافيك وايلد ده!!!!

- ياللا يا حيوان من هنا.. امشي..

- علم وينفذ معاليك..

طبعا قعدت فى البيت تانى يوم.. ولما الساعة قربت على ثلاثة.. أبابا عدى على الصالة وبصلى بصة «حخر ببيتك وبيت العصفور وبيت الميدان كله لو ما عملتش اللى قلتك عليه».. وطبعا اضطريت انى آخذ كرسى بلاستيك.. وأحطه فى مكان متدارى من ورا ازاز البلكونة.. وأقعد اراقب عزوز وكأنه عليه حكم من الساعة ثلاثة.. وعدت الدقائق وانا متذنب على الكرسى البلاستيك.. ده انا لو باخد فلوس على الشغلانة دى مش حيعملوا فيا كده.. حرام والله العظيم الإذلال ده.. عصفور إيه اللى حقعد اراقبه وبيطير من البلكونة.. ويروح هناك.. وياكل ويستحمى ويلعب باليه ويرجع تانى بس يا ربى..؟؟؟

ليه يا ربى حكمت علي اكون من العيلة اللى ما يعلم بيها الاربنا دى؟؟؟

طب يعنى هو أم العصفور حيخرج من القفص ازاي؟؟ حيخرج

من وسط السلك مثلاً؟؟؟؟!!!

أحيه!!!

إيه ده؟؟؟!!!

عزوز ييمد منقاره.. ييمسك باب القفص.. ييرفعه لفوق!!!
عزوز بيعدى وهو رافع باب القفص بجسمه إلى خارج القفص
ويسيب باب القفص ينزل ويقفل.. وهو برة!!!

عزوز دلوقتي خارج القفص..!! والقفص فاضي!!

عزوز طار.. يا ختتا!!!!!!
ختتا!!!!!!
جزى على البلكونة عشان ألقى عليه النظرة الأخيرة وهو بيتجه
إلى سماء الحرية..

عزوز ما اتجهش إلى سماء الحرية ولا زفت!!

عزوز اتجه إلى بلكونة جارنا.. ووقف على القفص.. وفتح بابه
بنفس الطريقة.. عزوز هرب كل العصافير إلى في القفص ومسكلهم
الباب لحد ما خرجوا.. عزوز طلع مسجل خطر مش عصفور فيشر..
شيش البلكونة اتفتح فجأة ودخل جارنا إلى كان واخذ هو كمان
أجازة عشان يعرف في إيه بيحصل للعصافير عنده.. وهو كمان
اتوظف في «ناشيونال جيوغرافيك ورم» وراقب من صباحية ربنا
وشاف بعينه إلى حياكلهم الدود شيخ منصر العصافير و«جد فاظر»
مافيا البغبغانات عزوز الكلب وهو بيحرر شقا عمر الراجل وعامل

280

فيها سبارتاكوس..!!!

عزوز اتفزع لما الشيش اتفتح وطار متجهاً إلى موطنه الأصلي...
البلكونة بتاعتنا.. جارنا راقب عزوز وهو بيطيير ويصاو صاو صاو
وكأنه بيقوله هاو أو أو.. لحد ما دخل القفص إلى انا واقف جنبه
على سور البلكونة.. جارنا.. نقل نظرتة من قفص عزوز إلى خروف
العيد إلى واقف يراقب المشهد.. أنا.. طبعاً كان يوووووم ازرق
منقط كحلى.. مطالبات دولية واسعة المدى بتسليم عزوز.. نشطاء
يتداولون خبر محاولة اغتيال عزوز بيندقية رش عيار اتنين من بلكونة
مقابلة بواسطة قناص.. اتهامات موجهة إلى العبد لله بتدريب عزوز
على الإتيان بمثل هذه الأفعال ووصلت إلى الاتهام بتدريبه في قطر
عن طريق كورسات في قلب ابواب القفص.. خناقة لرب السما بين
أبابا وبين جارنا وسط نظرات السكان لجارنا على إنه مجنون وعصافير
إيه يا أستاذ إلى بتروح وتيجى وتدخل اقفاص بمزاجها.. اتهامات
متبادلة منى ومن اخواتى لجارنا بالجنون المفرط ونصائح بإيداعه
عبر الحالات الخطرة كمحاولة لإبعاد التهمة عن اللى ما يتصيح
ولا يتمسى عزوز.. عزوز تم قفل باب القفص بتاعه بمشكين
وشنكل وكان في اتجاه للحم باب القفص.. جارنا الحمد لله.. باع
بواقى العصافير اللى فاضلة بعد ما العيال بقت تجرى وراه في الشارع
وتقوله: المجنون اهو اهو.. والاقفاص.. رماها في الخرابة المجاورة..
أبابا فضل شهرين كل ربع ساعة يقولى:

281

fb/Sa7er.Elkotob

بعد ان لاقى اعترافات جامدة قبولة الكثير بفضل الله
اعور ابيكم بالجزء الثاني الذي بين يديكم الان... مجموعة
كارثية من المواقف
...التي لا ارى كيف يمكن ان تتحول الى ضحكات تتناقلونها فيما بينكم
حاسب ان مصايبي بتضحك ناس كثير وري
حاجة مثل حلوة على فكرة... انما على العموم
...طالبنا الناس بتضحك من قلبها بالشكل ره... يبقى الحمد لله
أضحكوا... فلا يمكنني ان أعدكم إلا بما أستطيع
أعدكم بالضحك... كما لم تضحكوا من قبل
...شريف اسعد



طبعة سنائية اصلية
خاصة بسور الانكليزية

شريف اسعد سيناريسست وكاتب رواياتي وقصصتي ساخر
خريج تجارة القاهرة...
صدر له اعترافات جامدة ورواية حوارية السعادة... كاتب... 1998
راى في عدد من الصحف المصرية... اهم في محفل كتاباته بمعالجة
سليبات المجتمع المصري بشكل ساخر.

